

四庫全書

子部

欽定四庫全書

子部

記纂淵海卷五十九

詳校官中書_臣涂日煥

主事_臣祁韻士覆勘

總校官降調編修_臣倉聖脉

校對官編修_臣于鼎

謄錄監生_臣李廷曾

欽定四庫全書

記纂淵海卷五十九

宋 潘自牧 撰

論議部

事難定論

子仁義道德常安術也然而未必不危也汗漫突盜常
危術也然而未必不安也荀榮辱謂夏必長而麥枯冬必

凋而竹栢茂又盛陽宜暑而夏未必無涼日也極陰宜

寒而冬未必無暫溫也

抱樸子

水主純冷而有溫谷之湯

泉火體宜熾而有蕭丘之寒焰重類應沈而南海有浮

石之山輕物當浮而梓柯有沈羽之流

同上

史晉司馬侯曰或多難以固其國啟其疆土或無難以喪

其國失其守宇齊有仲孫之難而獲桓公至今賴之晉有

里丕之難而獲文公是以為盟主衛邢無難敵亦喪之

左昭

四年孔子曰使仁者而必信安有伯夷叔齊使智者而必行

安有王子比干

孔子世家

智者千慮必有一失愚者千慮必有

一得

西漢韓信傳

馬或奔蹏而致千里士或有負俗之累而立

功名

漢武帝紀

韓明宗曰苟有奇才雖屠釣奴虜之賤亦可用

之苟非其人雖三后之胄自墜於皂隸矣

後魏書

夫吉凶之

於人猶影響也為善者得吉常多其不幸而罹於凶者有

矣為惡者未始不及於凶其幸而免者亦時有焉

新唐書

集盛衰無常惟受所丁

東都賦

不見公與相起身自犁鋤

不見三公後寒飢出無驢

韓集

事有定分

經死生有命富貴在天

語顏淵

子分定故也

孟子

楚王後車千乘非知也君子啜菽飲水

非愚也

荀天

兔走於街百人追之貪人具存人莫之非

者矣得兔為定分也積兔滿市過不能顧非不欲兔也

分定之後雖鄙不爭

慎子互入
事同體異

史庶人之富者或累巨萬而貧者或不厭糟糠

史平
準書

布

帛尋常庸人不釋鑠金百鎰盜跖不搏非庸人之心重

尋常之利深而盜跖之欲淺也

史李
斯傳

竇姬入侍太后出

宮人賜諸侯竇姬在行中姬家在清河欲如趙請其主

遣宦者使置我趙籍中宦者忘之誤置代籍中至代王

獨幸生兩男及文帝立姬立為皇后長男為太子

史外戚世

家漢文使善相者相鄧通相曰當貧餓死上曰能富通

者在我何說貧於是賜通蜀道銅山得自鑄錢景帝立

有告通徼外鑄錢案没入之竟不得一錢寄死人家

漢西

倭幸傳班彪曰饑饉流隸飢寒道路所顧不過一金然終

轉死溝壑何則貧窮亦有命也

通鑑

萬人逐兔一人獲之

貪者悉止分定故也

東漢袁紹傳

集浮生有定分飢飽豈可逃

杜工部

高馬達官厭酒肉此

輩杼軸茅茨空

同上

中人愛富貴高士慕神仙神仙須有

兼富貴亦在天

白樂天

或有終老者沈賤如泥沙或有始

壯者飄忽如風花

同上

所賦有厚薄不可移者命

鵬鷃

高低事皆定

苟無金骨相不列丹臺名

同上

顏回簞瓢

纔自給肥腴不到口年不登三十張蒼幸愛浩無際妾

媵填後房竟壽百餘歲

白樂天五入分量
不同事難詰問

萬戶侯須骨

上來

劉賓客

貴人自貴貧自貧

元微之集

蓬累江湖坎壈中歲

衣不襲突不黔彼乘堅驅良滅沒於康莊者復何人哉

繇是而言可以言命

權載之

譬之求珠於海而徑寸先得

則餘皆決然罷去知奇寶之有歸也

柳文

高流之為徐州

刺史河決水繞城破一古墓得銘曰死後三百年背底

生流泉賴逢高流之遷吾上高原流之為造棺槨改葬

之

朝野僉載

事難詰問

經伯牛有疾子問之曰亡之命矣夫斯人也而有斯疾

也斯人也而有斯疾也

語雍也

子冉耕

字伯牛

以德行著名而有惡疾子曰命矣夫

家語彭

祖之智不出堯舜之上而壽八百顏淵之才不出衆人

之下而壽十八仲尼之德不出諸侯之下而困於陳蔡

殷紂之行不出三仁之上而居君位季札無爵於吳田

恒專有齊國夷齊餓於首陽季氏富於展禽

列子

兔絲無

根而生蛇無足而行魚無耳而聽蟬無口而鳴

淮南子

夫

顏回季路子夏冉伯牛孔子之通學也然顏淵殀死季

路藟於衛子夏失明冉伯牛為厲

同上精
神訓

史伯夷叔齊積仁累行如此而餓死回也屢空而卒早

妖盜跖暴戾恣睢橫行天下竟以壽終

史記伯夷傳

伯奇孝

而棄於親子胥忠而誅於君

西漢諸葛豐傳

長平坑卒未必盡

犯三刑南陽貴人豈必俱當六合

通鑑唐紀

康澄上疏曰雖

雉升鼎而桑穀生朝不能止殷宗之盛神馬長嘶而玉

龜告兆不能延晉祚之長

同上後唐
明宗紀

傳記天以至明為不可蔽乎日何為而食地以至安為

不可危乎地何為而動

說苑

集日何為兮右轉天何為兮左旋磐石何神兮立天地
巨靈何聖兮造山川螟何細兮師曠清耳而不聞離朱
拭目而無見鵬何壯兮搏扶搖而翔九萬運海水而擊
三千龜與蛇兮異其長短之質椿與菌兮殊其小大之
年鐘可鳴兮應霜氣劍何伏兮動星躔列子何方兮御
風而能行師丹何術兮驗火而登仙魯陽揮戈兮轉于
西日陶侃折翼兮登乎上玄女何冤兮化精衛帝何恥

兮化杜鵑

唐文粹楊伯渾天賦

以為天不知人事耶則周公有風

雷之災宋景有三次之福以為知人事乎則楚昭有弗

縈之應邾文無延朝之報

曹植相論

天意高難問

杜工部

自古

聖賢多薄命奸雄惡少封公侯

同上

金張世祿原憲貧

白樂

天人生少滿百不得長歡樂誰謂天地心千齡與龜鶴

同上

愚者多貴壽賢者多賤夭

謂天不愛人胡為生其

質謂天果愛人胡為奪其年

並同上

當秦之敗亂得一士

而可王何五百人之擾擾而不能脫夫子於劍鉞抑所

寶之非賢亦天命之有常

韓愈祭田廣文

自古賢者少不肖者

多自省事以來又見賢者恒不遇不賢者比肩青紫賢

者恒無以自存不賢者心得意滿賢者雖得卑位則旋

而死不賢者或終眉壽不知造物者竟如何無乃所好

惡與人異心哉又不知無乃都不省記任其死生壽夭

耶未可知也

韓文與崔書羣

顏淵簞瓢纔自給肥膿不到口年

不登三十張蒼幸愛浩無際妾媵填後房竟壽百餘歲

白樂天五八分量
不同事有定分

叔魚之生也其母視之知其必以賄

死楊食我之生也叔向之母聞其號也知必滅其宗越
椒之生也子文以為若敖氏之鬼不食也人之性果善
乎后稷之生也其母無災其始匍匐也則岐岐然疑疑
然文王之在母也母不憂既生也傳不勤既學也師不
煩人之性果惡乎韓文豈蕩而為太空與化無窮也將結
而為耀光以助臨照乎豈為雨為露以澤下土乎將為
雷為霆以泄怨怒乎豈為鳳為麟為景星為卿雲以寫
其神乎將為金為銀為主為璧以栖其魄乎豈復為賢

人以績其志乎將奮為神明以遂其義乎不然是昭昭其得已乎其不得已乎抑有知乎其無知乎彼且有知其可使吾知之乎

柳文互見
弔祭門

貴不必賢壽不必仁天之

不可恃也久矣

柳文

孰致也而生孰召也而死焉從而來

焉往而止

交州產多奇怪草木亦殊異吾怪陽德之

炳耀獨滿於芬葩濃麗而罕鍾乎人

氣之靈不為偉

人而獨為是物故楚之南少人而多石

同上

歿顏病冉孔

不知其故

杜牧
之集

信乎天地鬼神之無情於善人為善者

將安所歸乎

李習之集

天道之用莫神於龍受戮為醢不知

其凶王者之瑞莫聖於麟遇害於野不知其仁

元微之集

誰

知天地意獨與龜鶴年

白樂天

謂善之福夷死何餓謂惡

之禍跖死何肥

皇甫湜

何聖者千年而愚者其麻鳳凰不

下而雞滿家何草木不芝盡野而莎何虫不龍盡水而

蝦玉何為而脆石何為而頑明允何處宵小何蕃何麟

而怪何鶴而軒

同上

何闔閭之死金玉其墓何黔婁之死

手足不覆孰主張其事而顛倒其數

直道天何在

同上

本朝顏回飲瓢水陋巷卧曲肱盜跖厭人肝九州恣橫
行回仁而短命跖壽死免兵愚夫仰天呼禍福豈足憑

歐公集人獸生而有知死則無知矣著龜生而無知死然

後有知也是皆不可窮詰同行豐而腴乃享其癯莖華

雖數不的而枯歐公祭質夫文世之言曰死者漸之今之來兮

是耶非耶歐公集豈有聲名高後世遂無饘粥永今朝臨川

集胡為而然胡負於天誰不壽考獨嗇其年誰不富貴

使終賤寒老蘇集如海上沙是誰磋磨而能勻平無有麓

細如空中雨是誰揮灑自然蕭散無有踈密

東坡書若達經

將

軍百戰竟不侯伯郎一斛得涼州

東坡

淮山邃秀鍾草木

不產英髦產嘉卉

梅聖俞

事難強為

經凡居民材必因天地寒煖燥濕廣谷大川異制民生其間者異俗剛柔輕重遲速異齊五味異和器械異制衣服異宜五方之民皆有性也不可推移

記王制

子物之不齊物之情也或相倍蓰或相什百或相千萬

子比而同之是亂天下也

孟子滕文上

性長非所斷性短非

所續

杜子駢拇篇謂鬼脰短鶴脰長

強哭者雖疾不哀強歡者雖笑不

樂

淮南子

史貴遊之子未必有斬將搴旗之才從軍征伐之役

通鑑

晉元

集方鑿不受圓直木不為輪

韋應物互兩不相與

莫將山下松結

託水上萍

白樂天

事有簡徑

子夫水勢勝火章華之臺燒雖涸井而渴池無奈之何

也舉壺榼盆盎而以灌之其滅可立而待也

淮南子
史畧訓

史重人曰待我不如捷之速也

左成五

石稱丈量徑而寡

失

西漢枚乘傳互見
操約駁詳

董卓曰揚湯止沸莫如去薪

通鑑蘇
後漢

威嘗言於帝曰臣先人每戒臣云唯讀孝經一卷足以

立身治國何用多為

通鑑

傳記百人舉瓢而趨不如一人持而疾走

戰國策

集寸管下僚天地不能以氣欺尺表逆立日月不能以

形逃

陸機

欲湯之滄一人炊之百人揚之無益也不如絕

薪止火而已

枚乘

投膠以變濁不如澄其源而濁變之愈

也揚湯以止沸不如絕其薪而沸止之速也

事反所料

經眇能視跛能履

易履

家人嗃嗃悔厲吉婦子嘻嘻終吝

家人天地睽而其事同也男女睽而其志通也萬物睽而

其事類也

睽卦

東鄰殺牛不如西鄰之禴祭實受其福

既濟

子曰危者安其位者也亡者保其存者也亂者有其治

者也易君子淡以成小人甘以壞記莫見乎隱莫顯乎

微上同夫婦之愚可以與知焉及其至也雖聖人亦有所

不知焉夫婦之不肖可以能行焉及其至也雖聖人亦

有所不能焉君子之道闇然而日章小人之道的然

而日亡上同齊景公有馬千駟死之日民無得而稱焉伯

夷叔齊餓于首陽之下民到于今稱之語李氏

子以堯為君而有象以瞽瞍為父而有舜以紂為兄之

子且以為君而有微子啓王子比干孟子生於憂患而死

於安樂

告子下

生無一日之歡死有萬世之名

列子

以瓦注

者巧以黃金注者昏

莊子

以瓦樞者巧以黃金樞者昏

列子

天下莫相憎於膠漆而莫相愛於冰炭膠漆相賊冰炭

相息也

淮南子

善游者溺善騎者墮

淮南子

或欲利之適足

以害之或欲害之乃反以利之利害之反禍福之門戶

不可不察也

淮南子

史天下君王至于賢人衆矣當時則榮沒則已焉孔子

布衣傳十餘世學者宗之

史記孔世家

雍造怨而尤賞兮丁

繇惠而被戮

西漢班固

白頭如新傾蓋如故

同上鄒陽傳

譬如水

火相滅亦相生也仁之於義敬之於和相反而皆相成

也

西漢藝文志

千鈞浮而錙銖沈

漢書

柔能制剛弱能制強

東漢

臧宮傳

桀紂貴為天子而庸僕羞與為比者以其無義也

夷齊賤為匹夫而王侯爭與為伍者以其有德也

通鑑漢殤

紀

昔之為我哺乳之子孫者今盡是我飲血之寇讎也

同上漢獻紀

武后以易得人德宗以猜失士

唐書陸贄傳

傳記昔秦攻齊令曰有敢去柳下季壠五十步而樵採

者罪死不赦有能得齊王頭封萬戶由是觀之生王之

頭不如死士之壠

戰國策

馬援以薏苡興謗王陽以囊衣

邀名

續漢書

有聲之聲不過百里無聲之聲延及四海

說苑

順帝時京師謠曰直如弦死道邊曲如鉤乃封侯

風俗通

集桑穀之妖反為福於太戊大鳥之慶竟成禍於帝辛

李太白集

堯之朱舜之均文王之管蔡習非不善也而卒為

姦瞽瞍之舜鯀之禹習非不惡也而卒為聖

韓文原性

自古

多有以功德得其位者不得常祀勾龍棄孔子皆不得

位而得常祀然皆不如孔子之盛

韓文

孰謂少者歿而長

者存强者歿而病者全耶

韓祭文

至柔反成堅

常應篇

商之

王以桑穀昌以雉雒大宋之君以法星壽鄭以龍衰魯

以麟弱白雉亡漢黃犀死莽

郤文

富貴亦有苦苦在心憂

危貧賤亦有樂樂在身自由

白樂天集

蘇武却生返鄧通終

死飢

杜牧之

百勝難慮敵三折乃良醫

劉賓客

本朝紛華暫時好俯仰浮雲散淡泊味愈長始終殊不

變

歐公集

物固有以安而生變兮亦有以用危而求安

東坡

賦
吾平生多難嘗以身試之凡免我于厄者皆平生可

畏人也擠我于險者皆異時可喜人也

東坡

凡有物必歸

於盡時特形以為固者尤不可長雖金石之堅俄而變

壞至於功名文章其傳世垂後猶為差久

東坡

周公之富

貴有不如夫子之貧賤夫以召公之賢以管蔡之親而不

知其心則周公誰與樂其富貴而夫子之所與共貧賤

者皆天下之賢才則亦足以樂乎此矣

東坡

稽天之潦不

能終朝而一綫之溜可以穿石

東坡

注金無全巧竊發或

中鵠

山谷

后皇時嘉橘中歲多成枳

同上

白頭無故意異代

有同音

後山互見離合無親疎

蔡天申得溫公撰呂獻可墓銘以

獻王安石天申初欲中溫公安石得之掛壁間謂其門下

士曰君實之文西漢之文也

聞見錄

事有湊偶

經遇主于巷

易

不自我先不自我後

詩

胡不自北胡不

自南

同上

史遭陽九之阨百六之會

西漢王莽傳

集正丁厥時

選新論

適丁民之有是時也

韓文

事與願違

子樹欲靜而風不停子欲養而親不待

家人語

人莫不欲富

貴全壽而未有能免於貧賤死歿之禍也心欲富貴全

壽而貧賤死歿是不能至其所欲至也

韓非子

日月欲明

浮雲蓋之叢蘭欲秀秋風敗之

文中子

史晉羊祜曰天下不如意常十居七八

晉本傳

謝安雖受

朝寄東山之志始末不渝及鎮新城造汎海之裝欲須

經略粗定自江道還東遂遇疾篤自以本志不遂深自

慨失

晉書

集值風雲之會時邁齒耄

文選吳季重牋

可惜歡娛地都非少

壯時

杜詩

耳聾目昏後堂上調絲竹齒牙缺落時盤中堆

酒肉彼來此已去外餘中不足

白樂天

榮名與壯齒相避

如朝暮時命始欲來年顏已先去

同

繫官於朝願莫之

遂

韓文

虛逢好陽艷其那苦昏懵

元微之集

本朝為政一年疾病半之

東坡撰溫公神道碑

脂車秣馬試長道

一日百里先自期不知中途有陷穽山高日暮多棘茨

樂城集

書當快意讀易盡客有可人期不來世事相違每

如此好懷百歲幾回開

後山

好景難逢良會少

倦游錄

事無全美

經苗而不秀者有矣夫秀而不實者有矣夫

語

子天地無全功聖人無全能萬物無全用

列子

故羽翼美

者傷骨骸枝葉美者傷根莖能兩美者天下無之也

淮南

子堯無子舜無父不如堯父舜子也

揚子

史肥義曰吾欲全吾言安能全吾身

史記趙世家

予之齒者

去其角傳其翼者兩其足

西漢董仲舒傳

遷之博物洽聞而不

能以知自全

同上司馬遷贊

范滂之母曰既有令名復求壽考

可兼得乎

漢范

忠孝之節道不兩立

東漢素

晝長則宵

短日南則景北天且不堪兼况以人該之

同上張衡傳

夫人

才行少能相兼

通鑑孔明紀

忠臣不為孝子

吳志

卹遠者略近

事外者簡內也

通鑑漢和紀

晉羊祐曰天下不如意事十常

居七八

通鑑晉武紀五

周處曰忠孝之道安得兩全既

辭親事君父母安得而子乎

晉書本傳互見
狗公忘私

自古忠賢工

謀於國則拙於身多矣

唐書王忠嗣傳

養由基射能穿札不止

鄢陵之奔陸機識能辨亡無救河橋之敗

唐魏元志傳

傳記意不並說事不兩隆盛於彼者必衰於此長於左

者必短於右

說苑

父賢不過堯而丹朱傲子賢不過舜而

瞽瞍拘兄賢不過舜而象傲弟賢不過周公而管叔誅

臣賢不過湯禹而桀紂伐

韓詩外傳

四足者無羽翼戴角者

無爪齒

大戴禮易本命

明月之珠不能無考

不平也

夜光之璧不

能無類

史通

取悅小人見嗤君子

上同

翟備五色而翔翥百

步肌豐而力沉也鷹隼無采而翰飛戾天骨勁而氣猛

也

文心雕龍

集尺有所短寸有所長智有所不明數有所不逮神有

所不通

楚辭

甘瓜抱苦蒂美棗生荆棘

古詩

瞽瞍清耳而無

伶倫之察

選連珠

麗物苦偽醜器多牢

魏阮瑀文質論

良辰美景

賞心樂事四者難併

謝靈運擬魏太子中詩集序

耀東之珠不能無

類連城之璧不能無瑕

陸質奏議

人生半哀樂天地有順逆

杜詩荔枝非名花牡丹無甘實

白侍郎

明月清風三五夜萬

人行樂一人愁

同上

既竊時名又欲叨時之富貴使已造

物者肯兼與之乎

白傅集

詞人命薄多無位戰將功高少

有文

同上

以揚馬之才則不知教化以荀陳之道則不知

文章

柳見論文互見得此失彼

同涉于川其時在風汭者之吉汭者

之凶同藝于野其時在澤伊穉之利乃繆之厄

劉賓客

光

武出於支庶少康不及君親

王微集

日月高明有時傾冥

珠玉貞潔不免疵瑕

歐陽詹文

全功難持大明難堅日赫於

晝而乏清媚月皎於夜而無溫煦

李文饒

鵬鷹不傳之以

馳驟驂騑不授之以騫翥

同上

周勃霍光雖有勲伐而不

知儒術枚臯嚴助善為文筆而不至廊廟貴則近禍

富多不仁

同上

及親之貴自古罕兼老萊則空耀綵衣

多慚紱冕潘岳則惟稱壽酒固乏鼎彝

司空表聖文

賢不及

富壽不及賢

皇甫湜集

荆璧不能無瑕隋珠不能無類

唐文粹

譽高千載道屈一時

天乎與人才乎無命

同上

本朝君子之學或施之事業或見之文章而常患於難

魚也蓋遭時之士功烈顯於朝廷名譽光於竹帛故其
常視文章為末事而又有不暇與不能者焉至於失志
之人窮居隱約苦心危慮而極力精思與其有所感激
發憤惟無所居於世者皆一寓於文辭故曰窮者之言
易工也如唐之劉柳無稱於事業而姚宋不見於文章
彼四人者猶不能於兩得況其下者乎歐文韓簡
肅公文集百世
一人千載一時惟時與人鮮儷常奇東坡祭司
馬君實文惟有文
為不朽與有子為不死雖富貴壽考之人未有皆有此

二者也

東坡祭柳子厚文

耕田欲雨刈欲晴去得順風來者怨

若使人人禱輒遂造物應須日千變

東坡詩

故教窮到骨

要使壽無涯

同上

漢之賈誼談論俊美止於諸侯相而陳

平之屬實為三公唐之韓愈磊落終於京兆尹而裴度

之倫實在相府夫陳平裴度未免謂之不文而韓愈賈

生亦常悲於不遇蓋人之於世美惡必有所偏而天之

於人賦予亦莫能備

樂城集互見事反所料

從昔嬋娟多命薄

陳後

山

事難遙度

經如匪行邁謀是用不得于道

詩小旻箋不行而坐謀遠近是於道路無進於

跬步

史傳聞不如親見

東漢馬援傳

傳聞與指實不同懸筭與臨事

有異

通鑑

趙充國曰百聞不如一見兵難遙度臣願馳至

金城圖上方略

西漢趙充國傳

事有難易

經天下國家可均也爵祿可辭也白刃可蹈也中庸不

可能也

記

子曰貧而無怨難富而無驕易

語

子挾泰山以超北海語人曰我不能是誠不能也為長

者折枝語人曰我不能是不為也非不能也

孟子

先甲一

日易後甲一日難

揚先知

客有為齊王畫者問之畫孰最

難曰狗馬最難孰最易曰鬼魅最易狗馬人所知也旦

暮於前不可類也故難鬼魅者無形無形者不可覩故

易

韓子

禹能決江疏河以為天下興利不能使水西流稷

能闢田墾草以為百姓力農而不能使冬生禾

淮南子

史鑄金石者難為功摧枯朽者易為力 吏道以法令

為師可問而知及能與不能自有資材何可學也通鑑

成事者以功著易顯謀幾初者以理隱難照東漢邳形傳 魏

韓顯宗曰使工伎之家習士人風禮百年難成士人之

子效工伎容態一朝而說通鑑宋紀

傳記忠於治世易忠於濁世難呂氏春秋

集危於累卵難於上天易於反掌安於泰山選書 儀天步

畧而修短可量臨淵揆水而淺深難察選珠 夫力易強

而有功也心難強而有智也

韓文

將新變故易持故為新

難東野

本朝道可以講習而知德可以勉強而能惟知人之明

不可學必出乎天資而蕭何之識韓信此豈有法而可

傳者哉

東坡擬對策

譬如江河之徙移順其所欲行而治之

則易為功強其所不欲而復之則難為力

東坡議學校貢舉狀

事皆有法

子離婁之明公輸子之巧不以規矩不能成方圓師曠

之聰不以六律不能正五音

孟離妻上

盜亦有道

莊子

公輸不

能加於繩墨

荀法行

釋法而為治堯不能正一國使中正

守法拙匠執規矩尺寸則萬不失一也

韓非子

無準繩雖

魯班不能以定曲直

淮南子

斷木為棋抗革為鞠亦皆有

法

揚子

史譬如田獵射御貫則能獲禽若未嘗登車射御則敗

績厭覆是懼何暇思獲

左襄十三

不習為吏視已成事

西漢賈誼

傳謀事必就祖發政占古語

西漢韓安國傳

事有次第

經若升高必自下若陟遐必自邇

書太甲下

君子將營宮室

宗廟為先廡庫為次居室為後

記曲禮下

凡畫績之事後素

功

周禮考工記

凡家造祭器為先養器為後

同上

未有入室而

不由戶者

記禮運

君子之道譬如行遠必自邇譬如升高

必自卑

中庸

物有本末事有終始知所先後則近道矣

大學

子曰繪事後素

語八偷

子堂上不糞則郊草不瞻曠云

荀強國注堂上惜未糞除則不可瞻曠郊野之

也草染者先青而後黑則可先黑而後青則不可工人下

漆而上丹則可下丹而上漆則不可萬事猶此故先後

上下不可不審

淮南子

史儋聞學而後入政未聞以政學者也

左襄三十一

譬猶行

舟雖不橫截迅流然當漸靡而往稍向所趨然後得濟

也

通鑑

集春雨潤木自葉流根

文選

將欲茂枝葉必先救根株

白樂

天

本朝今世稱善草書者或不能真行此大忌也真生行
行生草真如立行如行草如走未有未能行立而能走

者也

東坡書唐
六家書後

事久論定

子人有亡鈇者意其隣之子視其行步竊鈇也顏色竊鈇
也言語竊鈇也作動態度無為而不竊鈇也俄而相其
谷而得其鈇他日復見其鄰之子動作態度無似竊鈇
者

列子

史臧文仲既沒其言立

左襄二十

子產從政一年與人誦

之曰取我衣冠而褚之取我田疇而伍之孰殺子產吾其

與之及三年又誦之曰我有子弟子產誨之我有田疇

子產殖之子產而死誰其嗣之

左襄三十

子順曰民之不可

與慮始久矣古之善為政者其初不能無謗子產相鄭

三年而後謗止吾先君之相魯三月而後謗止今吾為

政日新雖不能及賢庸知謗乎

通鑑

子順曰先君相魯人

誦曰麇裘而芾投之無戾芾而麇裘投之無郵及三月

政化既成民又誦曰衮衣章甫實獲我所章甫衮衣惠

我無私

同上

張湯既死家產直不過五百金昆弟諸子欲

厚葬母曰湯為天子大臣被汙惡言而死何厚葬乎載

以牛車有棺無槨天子聞之乃盡案誅三長史

通鑑漢武紀

劉敬使匈奴還言不可擊時漢兵已發上怒械繫敬至

平城匈奴圍帝七日得解帝赦敬曰吾不用公言以困

平城吾已斬前使十輩言可擊者矣乃封敬為侯

史本傳

充國奏每上輒下公卿議臣初是充國計者什三中什

五最後什八

西漢本傳

所居無赫赫名去後常見思

西漢何武傳

要之死曰然後是非乃定

司馬氏傳

王邑嚴尤謂桓譚曰子

常稱揚雄書豈能傳於後世乎譚曰必傳顧君與譚不

及見也自雄之沒至今四十餘年其法言大行

揚雄傳

昔

卞和獻寶以離斷趾靈均納忠終於沈身而和氏之璧

千載垂光屈子之篇萬世歸善

東坡班固傳

陳寔為功曹中

常侍侯覽託太守高倫用吏倫教署為文學寔知非其

人懷檄請見曰此人不宜用而侯常侍不可違寔乞從

外署倫從之鄉論訕其非舉倫後為人言曰吾前為侯
常侍用吏陳君密持教還而於外自署比聞議者以此
少之此咎由故人畏憚強禦陳君可謂過則稱己者也

寔因自引愆聞者方歎息

同上本傳
互入分謗

論者或譏陳羣居

位拱默正始中詔撰羣臣上書以為名臣奏議朝士乃

見羣諫事皆歎息焉

通鑑三國
魏明記

樂廣為尚書令所在無

當時之功譽然去後為後人所思

晉書

初王敦之舉兵也

周顗表救王導言甚切至導不知救而甚銜之既誅顗

導後料檢中書故事見顓表救己殷勤款切執表流涕

周顓事

王導曰人言伐貴貴後人當思此憤憤世說在官

無當時譽去後為人所思

謝安傳

晉王珣曰王陵廷爭陳

平謹默但問歲晏何如耳

通鑑

陽城處諫諍官士望其死

職天下益憚之及受命也諫官論事苛細紛紛帝厭苦

而城寢聞得失且熟猶未肯言韓愈作諍臣論譏切之

居位八年而人不能窺其際及裴延齡誣逐陸贄等帝

怒甚無敢言城上䟽論極延齡罪慷慨引義申直贄等

累日不止聞者寒慄城愈勵

唐書本傳互入不可
淺量及不可窺測

賢者

不得志於今必取貴於後古之著書者皆是也

唐柳宗
元傳

傳記天漢二年恒山西國獻續弦膠及火浣裘帝受以
付庫不知二物之妙也以上貢不奇稽留使未遣會帝
幸華林苑射虎而弩斷弦使者從駕上膠一分使口濡
以續弦帝驚乃使武士數人對掣終日不斷毛裘入水
經月不沈入火不焦帝重之厚賂使者而遣之

十洲
記 豫

章之木生七年而材始辨

廣
志

集春華雖美期於秋實水璧雖澤期於見日

晉裴頠
女史箴

文

仲沒而其言立子產終而遺愛存

張曲
江集

桃李盛時雖寂

寞雪霜多後始青葱

李義
山集

一發之初雖失正鵠百鍊之

後方辨精鋼

白帖

試玉要燒三日滿辨材須待七年期周

公恐懼流言曰王莽謙恭未篡時假使當時身便死一

生真偽有誰知

白樂
天

千陶萬灑雖辛苦汰盡狂沙始到金

劉賓
客

福不在於其身慶必流於後嗣

唐文
粹

大抵生則不

遇死而垂聲者衆焉揚雄沒而法言大興馬遷生而史

記未振

柳子厚集

凡人可以言古不可以言今桓譚亦云親

見揚子雲外貌不能動人安肯傳其書誠使博如莊周

哀如屈原奧如孟軻壯如李斯峻如馬遷富如相如明

如賈誼專如揚雄猶為今之人則世之高者至少矣由

此觀之古之人未嘗不薄於當世而榮於後世也

韓文

本朝譬如磨鑑不滅愈光一世之短萬世之長

歐公祭蘇子美

文良藥不甘口厥功見沉疴忠言初厭之事至每若何

歐公集

又如食橄欖真味久愈在

同上

後世苟不公至今無

賢聖

上同

松柏生於山林其始也困於蓬蒿厄於牛羊而

其終也貫四時閱千年而不改者其天定也

東坡三槐堂記

一

時之屈萬世之信

東坡王元之畫像贊序

始以帝堯之聰姑試伯

繇終為孔子之聖不信宰予

東坡責呂忠卿文

人去方知德業

尊

樂城集

端如嘗橄欖苦過味方永

山谷詩

難以口苦爭水

清自見石

上同

和氏有尺璧楚國無人知但知玉非石果

有遭逢時

同上互見解冤是真難減

事變無常

經城復于隍易悠悠蒼天曷其有常詩高岸為谷深谷

為陵詩

子臭腐化為神奇神奇復化為臭腐莊子

傳記麻姑謂王方平曰自接待以來見東海三為桑田

向聞蓬萊水亦淺於往者會時畧半也顏真卿麻姑壇記

集悲泰山之為隍注城下地也楚辭繁華有憔悴堂上生荆杞

阮嗣宗詠懷詩空桑之里變成洪川歷陽之都化為魚鼈劉孝標論

循環翻覆迅若波瀾選廣絕交論人間百年物理千變名利

寵辱之情立愛憎毀譽之迹生

王駱賓

東海波連天三度

成桑田高岸高突兀斯須變谿谷天地猶尚然人情難

久全夜半白刃鋤旦來金石堅

全盧

本朝芙蓉菱荷之的歷幽蘭白芷之芬芳與夫佳花美
木列植而交蔭此前日之蒼煙白露而荆棘也高甍巨
棟水光日影動而下上其寬閒深靚可以荅遠響而生
清風此前日之頽垣斷塹而荒墟也嘉時令節州人士
女笑歌而管絃此前日之晦冥風雨鼃鼃鳥獸之嗥音

也歐文昔者荒草野田霜露之所蒙翳狐虺之所竄伏方

是時豈知有凌虛臺耶廢興成毀相尋於無窮則臺之

復為荒草皆不可知也東坡凌虛臺記世道如奕棋變化不容

覆坡詩

事出意表

子騰蛇無足而飛荀子虞氏者登高樓臨大路設樂陳酒

擊博樓上俠客相隨而行鳶適墜其腐鼠而中之俠客

相與言吾不侵犯之而乃辱我必滅其家至期日之夜

聚農積兵以攻滅虞氏

子列

為胠篋探囊發匱之盜而為

守備則必攝緘滕固局鐻然已盜至則負匱揭篋擔囊

而趨惟恐緘滕局鐻之不固也

子莊

魯酒薄而邯鄲圍

同上

藏舟於壑藏車於澤謂之固矣夜半有力者負之而走

子莊毀譽萌生而不能照也

子淮南

日照天下蝕於蟾蜍騰

蛇游露而殆於蜚蛆烏力勝日而勝於騅馮

同上

楚會諸

侯魯趙皆獻酒於楚王楚王酒吏求酒於趙不與吏乃

以趙厚酒易魯薄者奏之楚王以趙酒薄遂圍邯鄲

淮南

子

史陳涉甕牖繩樞之子，眊隸之人，而遷徙之徒，才能不及中庸，非有仲尼、墨翟之賢，陶朱、倚頓之富，躡足行伍之間，而倔起阡陌之中，率罷散之卒，將數百之衆，轉而攻秦，斬木爲兵，揭竿爲旗，天下雲集響應，贏糧而景從，山東豪俊遂並起而亡秦族矣。史記秦紀賈生論諸將皆以爲得大將至，拜大將，乃韓信也。一軍皆驚。西漢韓信傳楚使者，在九江，方急責布發兵，隨何直入坐楚使者上，曰：「九江。」

王已歸漢楚何人得發兵布愕然楚使者起何因說布

曰事已構可遂殺楚使者無使歸而疾走漢并力布曰

如使者教於是殺楚使者因起兵而攻楚

通鑑漢高祖

相國

何以長安地陋上林中多空地棄願令民得入田毋收

藁為禽獸食上大怒曰相國多受賈人財物乃為請吾

苑下相國廷尉械繫之

通鑑漢高紀

晁錯為國遠慮禍反及

身

兩漢荆燕傳

諸家子弟見光武絳衣大冠驚曰謹厚者亦

復為之

東漢光武紀

諸葛亮卒于軍中長史楊儀整軍而出

百姓犇告司馬懿懿追之姜維令儀反旗鳴鼓若將向

懿懿斂軍退不敢偪諺曰死諸葛走生仲達懿聞之笑

曰吾能料生不能料死故也

通鑑魏明紀

高蟬處乎輕陰不

知螳螂襲其後也

晉書石苞傳

蜂虿作於懷袖勇夫為之驚

駭

晉書

顧禍生不意雖有智勇無所施耳

通鑑晉元紀

王朗言

於趙王虎曰盛冬雪寒而皇太子使人伐宮材役者數

萬吁嗟滿道太子宣怒會熒惑中房宣遂使太史令趙

攬言於虎曰宜以貴臣王姓者當之虎曰誰可者攬曰

無貴於王領軍虎意惜朗使攬更言其次唯中書監王波耳虎乃下詔追罪波前議桎矢事腰斬之及其四子

同上晉穆紀

瞻素執無鬼論忽有一客通名詣瞻寒溫畢聊

譚名理客甚有材辨瞻與之言良久及鬼神之事反覆甚苦客遂屈乃作色曰鬼神古今聖賢所共傳君何得

獨言無耶僕便是鬼於是變為異形須臾消滅

晉書阮瞻傳

魏杜弼曰楚國亡猿禍延樹木城門失火殃及池魚

通鑑

梁紀互見連累

魏杜弼曰禍生骨肉釁起腹心

通鑑

隋帝曰譬如

猛虎物不能害反為毛間蟲所損食耳

同上陳紀互見禍生所忽震

霆不及塞耳

唐書李

幽州都督王君廓在州驕縱多不

法徵入朝長史李玄道房玄齡從甥憑君廓附書君廓

私發之不識草書疑其告已罪行至渭南殺驛吏而逃

通鑑唐

姚崇與張說同為宰相張銜崇崇病戒諸子曰

太宗

張為人好服玩吾身沒之後汝其陳吾平生服玩寶帶
重器羅列殮帳前張若不顧汝家事產族無類矣若顧
此吾屬無虞仍以神道碑為請既獲其文登時錄進仍

先礬石以待至便鐫刻張丞相見事常遲於我數日之後必當有悔若徵碑文以刊削為辭當引使視其鐫仍告以昇聞上崇沒張果至目其服玩者五四不數日文成敘述該詳後數日果遣使取本以為辭未周密欲加刪改姚氏子引使者視其碑乃告以奏御使復命焉張悔恨撫膺曰死姚崇能算生張說吾今日方知才之不及遠矣

舊唐書本傳互見心服料度二類

張巡守雍丘令狐潮引兵圍

之城矢盡巡縛橐為人千餘被黑衣夜縋城下潮兵

爭射之久乃知藁人還得數十萬矢其後復夜絕人賊

笑不設備乃以死士五百斫潮營軍大亂

唐書互見出奇門

李

繫者泌之子也陽城盡䟽延齡姦惡欲密論之以繫故

人子使之繕寫繫徑以告延齡延齡先詣上一一自解

䟽入上以為妄不之省

通鑑唐德宗

傳記蠹螭仆柱梁蚩蚊走牛羊

說苑

集是胡越起於輦下而羌夷接軫也

司馬相如諫獵互見禍生所忽

梁

之亂兮陸受其毒徐之難兮鄭罹其殃

唐文粹互見連累

魯酒

致邯鄲之圍飛鳶生博者之禍

劉賓客

本持鄉曲譽肯料

泥途辱

劉長卿

百鳥畏人林野宿翻遭網羅俎其肉

韋應物

解帶翻成結

同上

疾雷不及掩耳卒電不及瞑目

大公六韜

本朝夫以斧析薪可謂必克然不循其理則斧可析薪

不可破

白鷗生意在滄浪不謂風塵有網羅

臨川集

謾

說罷侯能置守趙高元不是封侯

邵堯夫秦詩

事出望外

經枯揚生莢

易

魚網之設鴻則離之

詩

發彼小豝殫此

大兕詩

子有不虞之譽

孟離妻下

麗之姬父封人之子也晉國之始

得之也涕泣沾襟及其至於王所與王同牀食芻豢而

後悔其泣也

莊子

史秦燔書而易為卜筮之事傳者不絕

西漢藝文志

方其鼓

刀屠狗賣繒之時豈自知附驥之尾垂名漢庭德流子

孫哉

史記灌嬰傳互見人生明則

解袒褐而襲黼黻委畝築而據文

軒

後漢

元載在中書有丈人來投載贈河北一書丈人至

幽州拆視之更無一詞惟署名而已大悔怒欲回試謁

院吏斯須請書館之上客留連數日奉絹千疋

通鑑華誠

入翰林為學士党項擾河西宣宗召訪邊事誠援質古

今條破伏羌甚悉帝悅曰吾將擇能帥者孰謂頗牧在

吾禁署卿為朕行乎

新唐書本傳

傳記以一壺飧得士二人

戰國策

燕太子丹質於秦秦王

遇之無禮欲求歸秦王曰烏頭白馬生角乃許爾歸丹

仰天而嘆烏頭生白馬即生角秦王乃放歸

呂氏春秋

顧聰

為縣吏數被鞭撻因逃墟墓之間有二黃衣人曰劉君
頗憶昔日周旋否僕二人乃王粲徐幹君前身是劉楨
因出袖中書曰此君集也聰省覽了然明悟乃攜集見
孫宰宰大驚曰不可使劉公幹為小吏即以賓禮待之

時謂死劉楨猶援得生顧聰

牛僧儒
幽怪錄

集離疏釋屨而享膏梁人情駭觀如見買臣之綬

梁劉
孝儀

謝啓尋聲得器虛求實歸

唐文
粹

事在目前

經殷鑒不遠在夏后之世詩伐柯伐柯其則不遠柯道

不遠人記

子目擊而道存莊子

史馬援於帝前聚米為山谷指畫形勢開示衆軍所從

道徑往來分析曲折昭然可睹帝曰敵在吾目中矣後漢

互見
默會

事莫至盡

經罰弗及嗣書大禹謨殲厥渠魁脅從罔治書胤無忿疾于

頑無求備於一人書鵠鵠鵠鵠既取我子無毀我室詩

君子不盡人之歡不竭人之忠以全交也記國君春田

不圍澤大夫不掩羣士不取麇卵同上有餘不敢盡記君

子以人治人改而止同上君子以義度人則難為人以人

望人則賢者可知也矣記子釣而不綱弋不射宿語

子仲尼不為已甚者子孟尅核太至則必有不肖之心應

之水至清則無魚人至察則無徒家語魯定公問於顏

回曰子亦聞東野畢之善御乎對曰善則善矣雖然其

馬將必佚昔舜巧於使民而造父巧於使馬舜不窮其民而造父不窮其馬故舜無佚民而造父無佚馬今東野畢之御也并馬執轡銜體正矣步驟馳騁朝禮畢矣歷險致遠馬力盡矣然而其心猶乃求馬不已家語察見淵魚者不祥智料隱暱者有殃列子焚林而田後必無獸以詐遇民後必無民韓子焚林而獵愈多得獸後必無獸

淮南子

史御者不盡馬之情

史記

夫差智伯極武而亡

西漢陸賈傳

黃

霸曰凡治道去其太甚者耳

本傳

物禁太甚

馮奉世傳

聰明流

通者戒於太察

匡衡傳

董卓曰窮寇勿逼歸衆勿追

後漢皇甫

嵩傳太剛則折至察無徒

晉劉

鼓繁氣易衰叫數力易竭

通鑑宋太祖

常獻曰為將當矢石時不可專勇

通鑑梁武紀

善惡

太明亦有時而失

通鑑唐太宗

霆碎電射天怒也不能終朝

聖人在上安有必世而怒人臣耶

唐書吳武陵傳

惡衣之垢而

焚之患木之蠹而伐之其為害豈不益多哉

通鑑唐昭宗

傳記樂毅曰君子交絕不出惡聲忠臣去國不潔其名

戰國策

出妻令其可嫁

同上

晉雍季曰竭澤而漁豈不得魚

而明年無魚焚林而田豈不得獸而明年無獸詐偽之

道雖今可偷後將無獲非其長術也

呂氏春秋

集許其後效以補前非

白樂天

不當束縛之馳騁之使若

牛馬然急則敗矣

韓文

致一物於必窮之地君子不為

杜牧

之互見
長厚

物之精華天地所秘惜故蒙金以沙錮玉以璞

瑰瑚之木必茂重溟夜光之珠必領驪龍抉而不止不

窮則禍文章亦然所取者廉其得必多所取者深其身

必窮

孫樵集

本朝聖人之行法也如雷霆之震草木威怒雖甚而歸於欲其生人主之罪人也如父母之譴子孫鞭撻雖嚴而不忍致之死

東坡

美酒飲教微醉後好花看到半開時

邵堯夫

事當可繼

經弁人有其母死而孺子泣者孔子曰哀則哀矣而難於繼也夫禮為可傳也為可繼也故哭踊有節

記檀弓上

子魯法贖人取金於府子貢不取孔子曰自今以後魯

不復贖人於諸侯矣

家語

史鼓繁氣易衰叫數力易竭

通鑑宋太祖紀

事有反報

經老馬反為駒不顧其後

詩

言悖而出者亦悖而入貨

悖而入者亦悖而出

記大學

子出乎爾者反乎爾者也

孟子

君之視臣如犬馬則臣視

君如國人君之視臣如草芥則臣視君如寇讎

同上

人有

送其妻適私家者道見桑婦悅而與言顧視其妻亦有

招之者也

子列

菑人者人必反菑之莊故商鞅立法而支

解吳起刻削而車裂

淮南子

史楚靈王聞羣公子之死曰余殺人子多矣能無及此

乎

左昭十二

商君亡至闕下欲舍客舍客舍人不知其是商

君也曰商君之法舍人無驗者坐之商君曰為法之敝

一至此哉去之魏

史本傳

衛鞅內刻刀鋸外深鈇鉞論囚

渭水盡赤所逃莫之隱所歸莫之容身死車裂

史記商君傳注

禍莫大於殺已降此將軍所以不得侯也

史記廣傳

三代之

將道家所忌自廣至陵遂亡其宗上義縱誅殺甚多上

幸鼎湖甘泉道多不治上怒曰縱以我為不復行此道

耶噉之棄縱市鄉秦之禁適所以資豪傑而還自斃也

前漢索
盡傳

掩人者人亦掩之陵人者人亦陵之

魏志王
景傳

程

普殺降者數百人皆令投火即自病瘖而卒

吳志

庾懌以

酒餉江州刺史王允之允之覺其毒飯犬犬斃密奏之

帝曰大舅已亂天下小舅復欲爾耶二月懌飲鴆卒

通鑑

晉
紀

劉毅夜投牛牧佛寺初桓蔚之敗也走投牛牧寺

僧昌保藏之毅殺昌至是寺僧拒之曰昔亡師容桓蔚

為劉衛軍所殺今實不敢容異人毅歎曰為法自弊一

至於此遂縊而死

通鑑
晉
安紀

魏城陽王徽走至南抵前洛

陽令寇祖仁家祖仁一門三刺史皆徽所引拔以有舊

恩故投之徽齎金百斤馬五十匹祖仁利其財外雖容

納而私謂子弟曰如聞爾朱兆購募城陽王得之者封

千戶侯今日富貴至矣乃怖徽云官捕將至令其逃於

他所使人於路邀殺之送首於兆兆夢徵謂已曰我有金二百斤馬百匹在寇祖仁家卿可取之兆既覺意所夢為實即掩捕祖仁徵其金馬祖仁謂人客告望風歛服云實得金百斤馬五十匹疑其隱匿依夢徵之祖仁家舊有金三十斤馬三十匹盡以輸兆兆猶不信發怒執祖仁懸首高樹大石捶足搖之至死

通鑑梁高祖

王皇后

無子蕭淑妃有寵王后疾之陰令武氏長髮勸上納之後宮欲以間淑妃之寵武氏巧慧多權數初入宮卑辭

屈體以事后后愛之數稱其美於上未幾大幸

通鑑唐高祖

索元禮武后時為推使作鐵籠猶囚首加以楔至腦裂死後以苛猛復受賊收下吏不服吏曰取公鐵籠來元

禮乃服罪死獄中

唐書

周興習法為秋官後有告興謀反

詔來俊臣鞠狀初興未知被告方對俊臣食俊臣曰囚多不服柰何興曰易耳內之大甕熾炭周之何事不承

俊臣乃命取甕熾火徐謂曰有詔按君請嘗之興叩頭

伏罪

唐書

元載專橫上欲誅之收載於政事堂賜載自盡

於萬年縣載請主者願得快死主者曰相公須受少污

辱勿怪乃脫穢襪塞其口而殺之

通鑑唐
代宗

盜發郭子儀

父冢儀見上流涕曰臣久將兵不能禁暴軍士多發人

冢今日及此乃天譴非人事也

同
上誣善者亦反其辜

通鑑

唐僖
宗

路岩為相密奏三品以上賜死皆令使者剔取結

喉三寸以進驗其必無詐岩自罹其禍所死之處乃楊

救賜死之榻也

通鑑唐
懿宗

楊行密曰吾好寬而袁襲每勸

我以殺此其所以不壽

通鑑唐
僖宗

傳記好稱人惡者人亦道其惡好憎人者亦為人所憎

說苑張易之兄弟競為豪侈後被誅百姓鬻割其肉時謂

走馬報

朝野僉載

傷賢者殃及三代蔽賢者身當其害

黃石王略

集韓設辯以激君呂居貨以賣國說難既道其身乃囚

秦貨既貴厥宗亦墜

班孟堅賓戲

班姬收淚抱妾身我曹排

擯無限人

元微之

本朝盧多遜貶朱崖李符見趙普言朱崖雖海外而水

土無惡地春州在內至者必死普領之後符坐貶宣州

上怒未已普具述其事即以知春州半歲而卒

談苑寇忠

愍之貶時丁晉公馮拯在中書丁當秉筆初欲貶崖州

丁忽自疑乃擬雷州丁之貶也馮遂擬崖州當時好事

相語曰若見雷州寇司戶人生何處不相逢

歐公歸田錄

丁

謂為相逐李迪時宋紱知制誥請罪名謂曰春秋無將

漢法不道及謂貶朱崖宋猶當制誥即為之詞曰無將

之戒深著於魯經不道之誅難逃於漢法天下快之

就川

志石介既卒夏竦言於英宗曰介實不死走北邊矣乃

出字便發介棺以驗虛實其後夏竦之死吳奎曰夏竦多詐今死矣仁宗至其家命左右去竦面幕而視之世謂剖棺之與去面幕其為人主之疑一也亦所謂報應

者耶

東軒筆報

曹丕當時不自恥敢謂舜禹傳之堯得之以

此失亦此誰知三馬同一槽

歐公集

以法毒天下者未有

不反中其身及其子孫者也漢武與始皇皆果於殺者

也故其子如扶蘇之仁則寧死而不請如戾太子之悍

則寧反而不訴

東坡文

呂布事丁原則殺丁原事董卓則

殺董卓劉牢之事王恭則反王恭事司馬元顯則反司馬元顯呂布見誅於曹公而牢之見殺於桓氏

樂城丈

事同一體

經同舟而濟則胡越不患乎異心

畧例

百姓足君孰與不

足百姓不足君孰與足

語

子下貧則上貧下富則上富

富國

吳越之人同舟濟江

中流遇風波其相救如左右手者所患同也

孔叢子

同舟

渡海中流遇風救患若一所憂同也張羅而畋唱和不

差者其利等也故體痛者口不能不呼心悅者顏不能

不笑

鄧析子

史鄭伯謂燭之武曰鄭亡子亦有利焉

左傳三年

輔車相

依脣亡齒寒其虞虢之謂乎

左傳五年

蕭同叔子非他寡君

之母也若以匹敵則亦晉君之母也

左傳

左師曰大臣不

順國之恥也

左傳

子產謂子皮曰子於鄭國棟也棟折榱

崩僑將壓焉

左襄三十

君之卿佐是謂股肱股肱或虧何痛

如之

左傳

叔孫氏之司馬駿戾言於衆曰我家臣也不敢

知國凡有季氏與無於我孰利皆曰無季氏是無叔孫

氏也

左昭二十五年

成孟氏之保障也無成是無孟氏也

左定十二年

夫魯齊晉之脣齒脣亡齒寒

左哀八年

宋樂豫曰公族公室

之枝葉也君去之則本根無所庇蔭矣

左傳

民實瘠矣君

安得肥

國語

漢王曰吾翁即若翁

漢書

淮南王反令尹曰往

年殺彭越前年殺韓信此三人者同體之人也自擬禍

及身故反耳

通鑑漢高紀

枝葉落則本根無所庇蔭

西漢劉向傳

將相大臣均體元首共輿而馳同舟而濟輿傾舟覆患

實共之

後漢

朱穆田蚡曰程不識李廣俱東西宮衛尉令

衆辱程將軍仲孺獨不為李將軍地乎

西漢淮史傳

李固曰

譬猶一門之內一家之事安則共其福慶危則通其禍

敗

通鑑東漢紀

猶叩樹本百枝皆動也

東漢李固傳互見影響相應

猶頭

之與足相資也

通鑑漢桓紀

呂範曰譬猶同舟涉海一事不

牢即均受其敗

同上東漢紀

慕容垂曰秦晉瓦合相待為疆

一勝則俱豪一敗則俱弱

晉武紀

君臣猶父子也休戚同

之

唐高祖紀

上常謂公卿曰苟其君懷諫自賢其臣阿諛順

昔君既失國臣豈能獨全如虞世基等諂事煬帝以保

富貴煬帝既弑世基等亦誅

唐太宗紀

傳記若同舟而濟濟則皆同其利敗則皆同其害

太公六韜

未見子富而父貧也

通典

事權不一

經謀夫孔多是用不集發言盈庭誰敢執其咎

詩

子大道以多岐亡羊

列子

百醫守痛適足致疑而不能一

愈也

莊子

大臣內權而魏命亂矣

司馬宣王與曹爽權相須文中子

史狐裘羆茸一國三公吾誰適從

左傳

齊簡公之在魯

也闕止有寵焉及即位使為政陳成子常憚之諸御缺

言於公曰陳闕不可並也君其釋焉弗聽

左哀十四

楚子之

為令尹也為王旌以朝尹無芋曰一國兩君其誰堪之

左傳

韓宣王欲兩用公仲公叔為政問於繆留對曰不可

晉用六卿而國分齊簡公用陳成子及闕止而見殺魏
用犀首張儀而西河之外亡今君兩用之其多力者內
樹黨寡力者藉外雄羣臣有內樹黨以驕主有外為交

以削地君之國危矣

通鑑周顯王紀

九卿更進用事事不關決

於丞相

同上漢武紀

政出多門勢位之家更相薦托有如互

市

晉惠紀

刑法不一獄訟繁滋劉頌上疏曰自近世以來

法漸多門令甚不一吏不知所守下不知所避奸偽者

因以售其情居上者難以檢其下

同上

二分政權鮮不階

禍

晉成紀

時宰相無常官唯人主所與論議政事委以機

密者皆宰相也

南史宋高祖紀

張弘策曰一國三公猶不堪況

六貴同朝勢必相圖

齊東昏侯紀

天下大權悉歸中宮黜陟

生殺決於其口天子拱手而已中外謂之二聖

唐高宗紀斜

封官皆不由兩省而授兩省莫敢執奏

通鑑唐睿宗

傳記百人舉瓢瓢必裂

戰國策

集一國三公十羊九牧

陸宣公文公

事不相干

史齊伐楚楚子使與師言曰君處北海寡人處南海唯

是風馬牛不相及也不虞君之涉吾地也

左傳

鄭龍關

國人請為禁焉子產曰我關龍不我覲也龍關我獨何

覲焉吾無求於龍龍亦無求於我

左昭十九

集鯨吞蛟鬪波成血深澗游魚樂不知

白樂天

越人視秦

人肥瘠忽然不加喜戚於其心

韓文

事窮勢迫

子鳥窮則啄獸窮則搏

家語

人窮則詐馬窮則佚

上同魚相

呬以濕相濡以沫

莊天運

此惟救死而恐不贍奚暇治禮

義哉

孟梁惠王上

史鄭子家曰鹿死不擇音

左文十七年

鋌而走險急何能擇

同宋使華元夜入楚師登子反之牀曰寡君使元以病

告曰敝邑易子而食析骸而爨雖然城下之盟有以國

斃不能從也

左宣十五年

人窮則反本故勞苦倦極未嘗不

呼天也疾痛慘怛未嘗不呼父母也

史屈原傳

無所容跡

首傳寒者利短褐飢者甘糟糠

史秦始皇紀

秦之李世焚詩書

坑儒士六藝從此闕焉陳涉之王也而魯諸儒持孔氏

之禮器往歸陳王孔甲為陳王博士

史儒傳序

丁公為項羽

將逐窘高祖彭城西短兵相接漢王急顧謂丁公曰兩

賢豈相厄哉

西漢李布傳

樊噲曰如今人方為刀几我方為

魚肉何辭焉

通鑑漢高紀

上居晉陽聞冒頓居代谷欲擊之

使人覘匈奴冒頓匿其壯士肥牛馬但見老弱及羸畜

使者十輩來皆言匈奴可擊冒頓縱精兵四十萬騎圍

帝於白登七日帝用陳平祕計使使間厚遺閼氏從解

角直出

同上

魏勃曰失火之家豈暇先言大人後救火乎

西漢高祖五王傳五入權變

人情一日不再食則飢終歲不製衣則

寒夫腹飢不得食膚寒不得衣雖慈父不能保其子

通鑑

漢文紀

寒之於衣不待輕暖飢之於食不待甘旨飢寒至

身不顧廉恥

前漢食貨志

樗楚之下何求而不得

西漢路溫舒傳

善

人在患飢不及餐

通鑑漢順紀

夫居萬死之地必有死爭之

心

同上漢獻紀

桑落瓦解其勢可見

東漢馬融傳

桓玄僭位劉裕

劉毅何無忌等共謀興復玄駭入蜀費恬毛祐擊之玄

被箭子昇輒拔去之益州都護馮遷抽刀而前玄曰是

何人邪敢殺天子遷曰殺天子賊耳遂斬之昇曰我是

豫章兒諸君勿見殺至江陵斬之

晉書桓玄傳

竇建德戰數

不利中槩楊武威追之建德墜馬曰勿殺我我夏王也

武威擒之

通鑑唐高祖紀

傳記奉漏甕沃焦釜

戰國策

窮猿奔林豈暇擇木

世說上

奔

逃之士不避斧鉞

王逸正

陳思王曰寒者不望尺玉而思

短褐飢者不願千金而羨一食物時有所急也

後魏賈思勰齊

民要術互見齊重明輕

伍員之託漁舟季布之入廣柳

顏氏家訓

集魚由泉涸而煦沫鳥因將死而鳴哀

劉孝標論

療飢必期

於鼎食拯溺無待於規行

選策文

鑿鑊之魚期於消爛

選檄

喪精亡魄失歸亡趣

東京賦互見恐懼

胡危命在破竹中

杜工部詩

衣食闕少家雖嚴父慈母不能制其子

白傳集

獸窮搏人

鹿急走隘

杜牧之

魚窮鑿鼎蟻懼搜穴

司空表聖文

本朝不有猛虎彼怯者肯越淵谷乎


老蘇集

人情不問賢

愚莫不畏天而嚴父然而疾痛則呼父窮窘則號天盖

情發於中言無所擇豈以號呼之故謂無嚴畏之心

東坡



記纂淵海卷五十九

欽定四庫全書

子部

記纂淵海卷六十

詳校官中書臣涂日煥

主事臣祁韻士覆勘

總校官降調編修臣倉聖脉

校對官編修臣于鼎

謄錄監生臣李廷萬

欽定四庫全書

記纂淵海卷六

宋 潘自牧 撰

論議部

事必有極

經四世而總服之窮也五世祖免殺同姓也六世親屬

竭矣

記大傳

子君子之澤五世而斬小人之澤五世而斬

孟子

史一體炫金不及百兩一歲美衣不過數襲

通鑑宋太祖

傳記烏獲舉千鈞之重行年八十而求扶持

戰國策

騏驎

盛壯之時一日而馳千里至其衰也駑馬先之

同上

集延年不死壽何所止

楚詞

金石終銷毀

謝惠連秋懷詩

物壯誠

有衰勢雄良易極

陳子昂集

盛色無千年

李白

鷦鷯巢林不過

一枝鼯鼠飲河不過滿腹

蔡邕表

事同體異

經池之竭矣不云自頻泉之竭矣不云自中

詩召旻

哲夫

成城哲婦傾城

詩瞻仰

為人臣之禮不顯諫三諫而不聽

則逃之子之事親也三諫而不聽則號泣而隨之

記曲禮下

事親有隱而無犯事君有犯而無隱事師無犯無隱

同上

君子之愛人以德細人之愛人以姑息

檀弓上

禮之於人

也猶酒之有藁也君子以厚小人以薄

禮運並記互見同出異趣

子

曰惟上智與下愚不移

語陽貨

子同室之人鬪者救之雖被髮纓冠而救之可也鄉隣

有鬪者被髮纓冠而往救之則惑也雖閉戶可也

孟子離婁

盡其道而死者正命也桎梏死者非正命也

同上盡心下

盜

跖名聲若日月與舜禹俱傳然而君子不貴非禮義之

中也

荀不苟

好榮惡辱好利惡害是君子小人之所同也

若其所以求之道則異矣

荀榮辱

方舟而濟於河有虛船

來觸舟雖有褊心之人不怒有一人在其上則以惡聲

隨之向也不怒而今也怒向也虛而今也實

莊子

兔走於

街百人追之貪人具存人莫之非者以得兔為定分也

積兔滿市過不能顧非不欲兔也分定之後雖鄙不爭

慎子互入事有定分

君子多聞見而心愈真小人多聞見而心愈

偽

揚子註

魚不畏網而畏鵜鶘復讎者不怨鎔鉚而怨其

人網無心而鳥有情劒無情而人有心也

劉子互見有意無意

史善人富謂之賞淫人富謂之殃

左襄二十八年

公甫文伯官

於魯病死婦人為之自殺於房中者二八其母聞之不

肯哭也相室曰焉有子死而不哭者乎其母曰孔子賢

人也逐於魯是人不隨今死而婦人為死者十六人若

是者其於長者薄而於婦人厚故從母言之為賢母也

從婦言之必不免為妬婦也故其言者異則人心變矣

戰國策豆八婦人識見

道高益安勢高益危

史曰者傳

詩曰無酒酤我

而論語曰酤酒不食二者非相反也夫詩據承平之世

酒酤在官和旨使人可以相御也論語孔子當衰亂酒

酤在民薄惡不誠是以疑而弗食

前漢食貨志

張釋之為廷

尉天下無冤民于定國為廷尉民自以為不冤

前漢姚宋

二人每進見上輒為之起去則為臨軒送之及李林甫

為相雖寵任過於姚宋然禮遇殊卑薄矣

通鑑

傳記忠於治世易忠於濁世難

呂氏春秋互見事有難易

集人固有一死死或重於泰山或輕於毛羽

司馬遷報任安書

史臣責錯之父不逮趙括母何其鄙也夫趙括持必敗之勢而母言於趙王不可使將及括失律母以先見獲宥晁錯用至忠之略與必敗之勢異也其父雖懼禍至柰其子所籌國之大事也且使括母言之是稱明婦人也使錯父言之是阻其子為忠也

李元賓

燕昭築金臺天

下稱其賢殷紂作玉杯天下稱其惡蓋為人與為己殊也周文之囿百里時患其尚小齊宣之囿四十里時病

其太大蓋同利與專利異也

陸宣公

本朝夜光之與蒸燭互照雖均質則異焉

晏公類要

以物與

人物盡而止以法活人法行無窮

東坡乞免
五谷劄子

南面之君

雖清遠閒放如鶴者猶不得好好之則亡其國而山林

遁世之士雖荒惑敗亂如酒者不能為害

東坡鶴
亭記

古人

謂鵬鷖百鳥望而畏之鸞鳳百鳥望而愛之其服則一

其品相遠

同上

事各有體

經見同等不起上客起

禮曲禮下

外事以剛日內事以柔日

記曲禮下婦人不立乘

同上

國君下齊牛式宗廟大夫士下公

門式路馬

臨喪則必有哀色執紼不笑臨樂不歎介

冑則有不可犯之色

帷薄之外不趨堂上不趨執玉

不趨堂上接武堂下布武室中不翔主佩倚則臣佩

垂主佩垂則臣佩委

居喪不言樂祭事不言凶公庭

不言婦女

曲禮下

君於士不答拜也非其臣則答拜之大

夫於其臣雖賤必答拜之大夫私行出疆必請反必

有獻士私行出疆必請反必告 在官言官在府言府
在庫言庫在朝言朝言不及犬馬 在朝言禮 問

天子之年對曰聞之始服衣若干尺矣問國君之年長
曰能從宗廟社稷之事矣問大夫之子長曰能御矣問
士之子長曰能典謁矣問庶人之子長曰能負薪矣問
國君之富數地以對山澤之所出問大夫之富曰有宰
食力祭器衣服不假問士之富以車數對問庶人之富
數畜以對並同死者北首生者南鄉禮運適臣守和宰正

百官大臣慮四方

表記

母親而不尊父尊而不親同上女子

哭泣悲哀擊冒傷心男子哭泣悲哀稽顙觸地無容問喪

君子太牢而祭謂之禮匹士太牢而祭謂之攘

禮器攘盜竊也

士於大夫不承賀下大夫於上大夫承賀

玉藻

同姓從宗

合族屬異姓主名治際會名著而男女有別

異姓謂來嫁者也主於母

與婦之名耳際會昏禮交接之會也著明也母婦之名不明則人倫亂也太傳

樂者為同禮者

為異同則相親異則相敬

樂記

武車不式介者不拜少儀

客主恭祭祀主敬喪事主哀會同主詡軍旅思險隱情

以虞

上同

門內之治恩揜義門外之治義揜恩

義聘

子父子主恩君臣主敬

孟公孫丑上

事生飾歡祭祀飾敬

荀子

不聰不明不能為王不瞽不聾不能為公

慎子

道猶金石

一調不更事猶琴瑟每終改調

淮南子

家老異飯而食殊

器而享子婦跣而上堂跪而斟羹非不費也然而不可

省者為其害義也

同上

史雖有文母之德必繫於子

東漢杜鄴傳

夫委大臣以大體

責小臣以小事為治之道也

通鑑唐憲宗

文舞用功成慶善

之樂武舞用神功破陣之樂

同上唐高宗

杜黃裳曰明主勞

於求賢而逸於任人此虞舜所以能無為而治者也至於簿書獄訟煩細之事各有司存非人主所宜親也昔秦始皇以衡石程書魏明帝自按行尚書事隋文帝衛士傳殮皆無補於當時取譏於後來其耳目形神非不勤且勞也所務非其道也

唐憲宗並同上

集家須男子繼國合大夫憂

張承吉文集

本朝元祐初起文潞公以平章軍國重事召程正叔為

崇政殿說書正叔以師道自居每侍上講色甚莊繼以
諷諫潞公時年九十對上恭甚進士唱名侍立終日或
問正叔正叔曰潞公三朝大臣事幼主不得不恭吾以
布衣為上師傳其敢不自重吾與潞公所以不同也

聞見

錄

操約馭詳

經若網在綱有條而不紊

書盤庚

居敬行簡以臨其民

語雍

也故敬其父則子悅敬其兄則弟悅敬其君則臣悅敬

一人而千萬人悅所敬者寡而悅者衆此之謂要道也

孝經

統之有宗會之有元故繁而不亂衆而不惑

易略例

夫

衆不能治衆治衆者至寡者也夫動不能制動制天下之動者貞夫一者也 自統而尋之物雖衆則知可以執一御也由本以觀之義雖博則知可以一名舉也

處璇璣以觀天運則天地之動未足怪也據會要以觀方來則六合輻輳未足多也 少者多之所貴也寡者

衆之所宗也

約以存博簡以濟衆

並同上

子守約而施博者善道也

孟子

總天下之要治海內之衆

若使一人故操彌約而事彌大五寸之矩盡天下之方

故君子不下堂而海內之情舉積諸此者則操術然也

荀不

欲觀千歲則審今日欲知億萬則審一二故曰以

近知遠以一知萬以微知明

荀非相

舉其綱則衆目張

若挈裘領順者不可勝數

並荀子

事欲鮮者執柄持術得

要以應衆執約以治廣處靜持中運於璇璣以一合萬

若合符者也

淮南子王術訓

十圍之木持千鈞之屋五寸之鍵

以制開闢豈其材之巨小足哉所居要也

淮南子

天下為

大治之在道四海為遠治之在心

揚孝至

苟得其要則八

極之外如在指掌百代之遠有若同時不必在乎庭宇

之左右瞻視之所及然後知之也

抱樸子對俗

舉一綱衆目

張

文中子

史石稱丈量徑而寡失

西漢枚乘傳互見事有簡徑

探端以知緒

前漢

善為政者綱舉而目踈

晉書劉頌傳

聖王不徧窺望而視已

明不殫傾耳而聽已聰

通鑑漢宣紀

執要而委務於下

晉書

集統於一而應於萬

韓文

聖人篤近而舉遠

同上

委羣材

會衆工或執斧斤或執刀鋸皆環立嚮之梓人左持引

右執杖而中處焉量棟宇之任視木之能舉揮其杖曰

斧彼執斧者奔而右顧指曰鋸彼執鋸者趨而左俄而

斤者斷刀者削皆視其色俟其言莫敢自斲者其不勝

任者怒而退之亦莫敢愠焉畫宮於堵盈尺而曲盡其

制計其毫釐而構其大厦無進退焉既成書于上棟曰

某年某月某日某建則其姓字也凡執用之工不在列

余圍視大駭然後知其術之工大矣繼而嘆曰彼將捨其手藝專其心智而能知體要者歟吾聞勞心者役人勞力者役於人彼其勞心者歟能者用而智者謀彼其智者歟是足為佐天子相天下法矣彼佐天子相天下者舉而加焉指而使焉條其綱紀而盈縮焉齊其法制而整頓焉猶梓人之有規矩繩墨以定制也擇天下之士使稱其職居天下之人使安其業視都知野視野知國視國知天下其遠邇細大可手據其圖而究焉猶梓

人畫宮于堵而績于成也能者進而用之使無所德不能者退而休之亦莫敢愠不銜能不矜名不親小勞不侵衆官日與天下之英材討論其大經猶梓人之善運衆工而不伐藝也夫然後相道得而萬國理矣相道既得萬國既理天下舉首而望曰吾相之功也後之人循跡而慕曰彼相之才也士或談殷周之理者曰伊傳周召其百執事之勤勞而不得紀焉猶梓人自名其功而執用者不列也大哉相乎通是道者所謂相而已矣

文柳

梓人傳

端本澄源

經言出乎身加乎民行發乎迺見乎遠易繫辭爾身克正

罔敢不正民心罔中惟爾之中書君牙刑于寡妻至于兄

弟以御于家邦詩思齊爾之遠矣民胥然矣爾之教矣民

胥儆矣角弓民以君為心君以民為體心莊則體舒心肅

則容敬記緇衣政者正也君為政則百姓從政矣君之所

為百姓之所從也哀公問古之欲明明德於天下者先治

其國欲治其國者先齊其家欲齊其家者先修其身欲
修身者先正其心欲正其心者先誠其意大學自天子

以至於庶人壹是皆以修身為本其本亂而末治者否

矣

大學並記

政者正也子帥以正孰敢不正

語顏淵

季康子患

盜問於孔子孔子對曰苟子之不欲雖賞之不竊李

康子問政於孔子孔子對曰子為政焉用殺子欲善而

民善矣君子之德風小人之德草草上之風必偃

並顏淵

其身正不令而行其身不正雖令不從子路苟正其身矣

於從政乎何有不能正其身如正人何

同上並語

子天下之本在國國之本在家家之本在身

孟離妻上

其身

正而天下歸之

同上

君子之守修其身而天下平

盡心下

身

不行道不行於妻子使人不以道不能行於妻子

同上並孟

我無為而民自化我無事而民自富我好靜而民自正

我無欲而民自樸

老子

聞修身未聞修國也君者儀也儀

正則景正君者槃也槃圓而水圓君者盂也盂方而水

方

荀子

君子者治之源也君子養源源清則流清源濁

則流濁

同上

上者下之本也上宣明則下治辯矣上端誠

則下愿慤矣上公正則下易直矣

荀子正論

史法令者治之具而非制治清濁之源也

史酷吏傳序

周密

而姦不塞刑煩而民愈嫚必世而未仁百年而不勝殘

誠以禮樂闕而刑不正也宜思所以清源正本之論

前漢

刑法志

管子曰先王端本肇末

國語齊

春秋謂一為元者示

大始而欲正本也為人君者正心以正朝廷正朝廷以

正百官正百官以正萬民正萬民以正四方

前董仲舒傳

易

曰正其本萬物理

同上杜欽傳

失之末流求之本源

後漢陳忠傳

表曲者影必邪源清者流必潔猶扣木本百枝皆動也

同上李固傳

本立道生風行草從澄其源者流清涵其本者

末濁

同上郎顗傳

治水不自其源末流彌增其廣矣

通鑑漢盧植

志正則衆邪不生心靜則衆事不躁思慮審定則教令

不煩

三國志

萬目不張舉其綱衆毛不整齊其領

通鑑魏明紀

荀勉曰省吏不如省官省官不如省事省事不如清心

同上晉武紀

潔其流者清其源理其末者正其本

北史袁翻傳禍

之所來皆生於利苟不求利禍從何生

通鑑梁高祖

上曰君

源也臣流也濁其源而求其流之清不可得矣君自為

詐何以責臣下之直乎

同上唐太宗

夫家給人足而無瑞不

害為堯舜百姓怨愁而多瑞不害為桀紂

同上

謂魏徵

曰為官擇人不可造次用一君子則君子皆至用一小

人則小人競進矣

同上

求木之長者必固其根本欲流之

遠者必浚其泉源

舊唐書魏徵傳

陸象先嘗謂人曰天下本無

事但庸人擾之爾苟清其源何憂不治

通鑑

天下本無事

庸人擾之煩耳第澄其源何憂不簡邪

唐陸象先傳

上嘗問

裴垽為理之要何先對曰先正其心

通鑑唐憲宗

集爾形信直影亦不曲爾聲信清響亦不濁

晉裴頠女史箴互入

影響相應

養其根而俟其實加其膏而希其光根之茂者其

實遂膏之沃者其光曄

韓文答李翊書

澄其源而流其清

韓文

本朝莫若修其本以勝之昔戰國之時楊墨交亂孟子患之而專言仁義之說仁義之說勝則楊墨之學廢漢之時百家並興董生患之而退修孔子之道孔氏之道

明則百家自息此所謂修其本以勝之之效也

歐文
本論

陰驅默化

經小人革面順以從君也

易

四方風動

書大
禹謨

爾惟風下

民惟草

君
陳

爾身克正罔敢弗正

同

翩彼飛鵲集於泮林

食我桑椹懷我好音

詩泮
水

子曰長民者衣服不貳從容

有常以濟其民則民德一

記緇
衣

爾之教矣民胥效矣

角
弓

君子不賞而民勸不怒而民威於鈇鉞

中
庸

德輝動乎內

而民莫不承聽理發乎外而衆莫不承順

祭
義

好賢如緇

衣惡惡如巷伯則爵不瀆而民作愿刑不試而民咸服

記

上好仁則下之為仁爭先人

同上

君子有徽猷小人與屬

詩角

引 一家仁一國興仁一家讓一國興讓一人貪戾一

國作亂其機如此

大學

君子篤於親則民興於仁故舊不

遺則民不偷

語泰伯

動容貌斯遠暴慢矣正顏色斯近信

矣出辭氣斯遠鄙倍矣

同上

苟子之不欲雖賞之不竊

顏淵

子欲善而民善矣君子之德風小人之德草草上之風

必偃

同上

其身正不令而行

子路

天何言哉四時行焉百物

生焉

並陽貨語

君子之教以孝也非家至而日見之也

孝經

子文武興則民好善

孟告子上

孔子為中都宰路不拾遺器

不彫偽

家語

有大人者正己而物正者也

孟盡心上

孔子為政

魯沈猶氏不敢朝飲其羊公慎氏出其妻

淫不制

慎潰氏

越境而走

奢

鬻牛馬者不飾價賣羔豚者不加飾

家語

芮二國爭田而訟連年不決乃相謂曰西伯仁人也盍

往質之入其境則耕者讓畔行者讓路入其朝士讓于

大夫大夫讓于卿虞芮之君曰嘻吾儕小人也不可以

入君子之朝遂自相與而退咸以所爭之田為閒田

家語

孔子遭厄於陳蔡之間子路彈琴而歌孔子和之曲三

終旅人解甲而罷

家語

孔子曰天下有道盜其先變乎

荀子

君子為國張其綱紀謹其教化導之以仁則下不相賊

蒞之以廉則下不相盜臨之以正則下不相詐修之以

禮義則下多德讓

同上

夷惠變貪革薄千載聞之猶有感

激

孟子注

南郭順子正容以悟物使人之意也消

莊子

市南

宜僚弄丸兩家之難解孫叔敖秉羽而郢人投兵

同上

罕不利寶玉而爭券契者愧矣務光不汙於世而貪利

偷生者愧矣

淮南子精神訓

昔舜耕於歷山期年而田者爭處

境墉以封壤肥饒相讓釣於河濱期年而漁者爭處湍

瀨以曲隈深潭相子當此之時口不設言手不指麾執

玄德於心而化馳若神使舜無其德雖口辯而戶說之

不能化一人

淮南子原道訓

速哉七十子之肖仲尼也

揚子孔子

用於魯齊人歸其侵疆

同上

史范宣子讓其下皆讓樂厲為汰不敢違也

左

一人刑

善百姓休和 士會將中軍晉國之盜逃奔於秦

左孔

父正色而立於朝則人莫敢過而致難於君者

公羊傳

孔

子行乎季孫三月不違曰家不藏甲邑無百雉之城於

是叔敖帥師墮郈季孫仲孫帥師墮費

同上

舜耕歷山歷

山之人皆讓畔漁雷澤雷澤之人皆讓居

史記五帝紀

西伯

行善虞芮之人有獄不能決如周入界耕者讓畔民俗

皆讓長虞芮之人未見西伯皆慚相謂曰吾所爭周人

所恥何往為祇取辱耳遂還俱讓而去

史周紀

孔子與聞

國政三月粥羔豚者弗飾價男女行者別於塗塗不拾

遺四方之客至乎邑者不求有司

史孔子世家

儉節仁義之

人立於朝則荒肆之樂輟矣諫說論理之臣間於側則

流漫之志詘矣烈士死節之行顯於世則淫康之虞廢

矣

史李斯傳

萬石君子孫有過不誚讓為便坐對案不食諸

子相責因長跪肉袒固謝罪改之

前漢同上互入示人以意

吳王詐

病不朝賜以几杖張武等受賂金錢覺更加賞賜以愧

其心

通鑑漢文紀

上設禮義廉恥以遇其臣而臣不以節行

報其上者則非人類也故化成俗定則為人臣者主耳

忘身國耳忘家公耳忘私利不苟就害不苟去唯義所

在上之化也

前漢賈誼傳

韓延壽守馮翊民有昆弟訟田延

壽閉閣思過於是訟者宗族相責此兩昆弟深自愧皆

自髡肉袒謝願以田相移終死不敢爭後民莫敢以辭

訟自言者

前漢同上互見政事

山有猛獸藜藿為之不採國有忠

臣奸邪為之不起

前漢蓋寬饒傳

宋均為九江太守虎相與東

渡江

後漢同上

孟嘗遷合浦太守去珠復還同王烈所居市

無二價

東漢

前在江陵反風滅火後守弘農虎北渡河

劉昆

傳諸有爭訟曲直將質之於王烈或至塗而反或望廬

而還黃憲言論風旨無所傳聞然士君子見之靡不

服深遠去鄙吝

同上

譬如靈著在林林無毒草威鳳在野

野集仁禽

許邵傳

舜歌南風不下堂而天下治

步鴈傳

涉其

門者貧夫反廉懦夫立志

晉羊祐傳

天下改目暴貧斂手

北史

李彪傳

徐有功為蒲州司法以寬為治不施敲扑吏相約

有犯徐司法杖者衆共斥之迨官滿不杖一人職事亦

修通鑑唐武后

陸贄秉筆內翰獬豸向風懦夫增氣唐書同上汲

黯在朝淮南寢謀干木處魏諸侯息兵一士止百萬之

師一賢制千里之難

裴度傳

楊綰始輔政中丞崔寬本豪

俊城南別墅池觀堂阜為當時第一即日遣人毀之京

兆尹黎幹出入從騶百數省損纔留十餘騎郭子儀邠

州行營方大會除書至音樂散五之四他聞風靡然自

化者不可勝紀

同上贊

綰以德服人而人自化

同上

毛玠以

清德為魏尚書而人不敢鮮衣美食

李程傳

魯秉周禮齊

不加兵

于休烈傳

陽公在朝四方聞風貪冒苟進邪薄之夫

沮其志雖微師尹之位而人實瞻望焉

同上

至潮與鱷魚

約數日水涸西徙潮無鱷魚患

韓愈

楚有昭王井傳言汲

者死行人雖渴困不敢視韓朝宗移書諭神自是亡恙

唐書

冀缺以禮遜升而晉人知禮文翁以經術教而蜀士

多儒

唐薛登傳

可使繁暑坐變清涼

五代史郭崇韜傳

傳記陳寔在鄉閭平心率物有盜夜入其室止於梁上

寔命子孫訓之曰不善之人未必本不慈習與性成如

梁上君子是也盜驚自投地寔徐譬之曰視君狀貌不

似惡人宜深克己反善然當由貧今遺絹二疋自是一

縣無復盜竊

東觀漢紀

程普頗以年長侮周瑜折節下之

不與計普後自敬而親重之告人曰吾與周公瑾交若

飲醇醪不覺自醉

江表傳

宓子賤為單父宰鳴琴不下堂

而單父自治

呂氏春秋

子產相鄭桃李之垂於街者莫之援

也

同上

楚昭王與吳人戰楚軍敗走履決背而行三十步

復取之左右問曰王何惜一跣履乎王曰楚國雖貧豈

愛一踦履哉惡與偕出弗與偕反也自是之後楚國之

俗無相棄者

賈誼新書

人問郭文曰虎狼害人先生獨不畏

乎文曰人無害獸心獸亦不害人耳

高士傳

孔子居相位

相魯三月不令而行不禁而止沛若時雨之灌萬物莫

不興起

鹽鐵論

集不言之化若門到戶說矣

齊竟陵王行狀

鄰國有媮衣食帶

刀劍椎埋胠篋之類鬪雞走狗之豪莫不靡下風馴雅

素

陳子昂集

懷臯鵠以好音消祲為和氣

陸宣公文

魯有泮林

鳥革其音

劉賓客集

自從卻殺為元帥大將歸來盡把書

同上

鸞鳳一鳴蜩螗革音

同上

始知聽韶濩可使心和平

白侍郎

令修於庭戶數月之間而人自得於湖山千里之外

唐文

粹記

陽城居於晉之鄙晉之鄙人薰其德而善良者幾千

人

韓文諫臣論

柳侯為州不鄙夷其民動以禮法三年民各

自矜奮曰茲土雖遠京師吾等亦天民今天幸惠仁侯

若不化服我則非人於是老少相教語莫違侯令凡有

所為於其鄉閭及於其家皆曰吾侯聞之得無不可於

意否莫不忖度而後從事凡令之期民勸趨之無有後

先必以其時

韓文柳州羅池廟碑

鼠無夜動梟變好音

柳文

本朝渡海鯨波息登山豹霧消

楊文公集

凜凜乎其若處女

之在閨也兢兢乎其若懷千金之璧而行也夫是以不

仁者不敢至其墻不義者不敢過其門

東坡密翊謝上表

環堵

蕭然而妻子奴婢皆有自得之色

東坡方山子傳

退居於洛往

來陝郊陝洛間皆化其德尊其學法其儉有不善曰君

實得無知之乎

東坡司馬行狀

使人之意消不善無由萌

東坡詩

以衛武之年踐呂尚之位安然無作則功名自隆默然

無言則卿尹自化當以至靜之德坐鎮羣動之樞

蘇子由文

彥博乞致仕不允
批答互見老成

兼收並蓄

經翕受敷施

書臯
陶謨

子山不辭土石故能成其大

管子

工之制木也大者以為

舟航柱梁小者以為櫂楔脩者以為榱櫚短者以為侏

儒枅櫨無大小脩短皆得其所宜

同上互見
隨材器使

以天下為

之籠則雀無所逃

莊子庚桑楚

良匠提斤斧造山林棟梁阿

衡之材櫨柱楣椽之樸森然陳於目前大厦之器具矣

孫

張天下以為籠因江海以為罟又何亡魚失鳥之有

乎

淮南子

史雖有絲麻無棄菅蒯雖有姜姬無棄蕉萃

左成九年

匠之

用木也取其所長棄其所短故杞梓連抱而有數尺之

朽良工不棄

通鑑周紀

狗盜雞鳴孟嘗列此二人於賓客賓

客盡羞及有秦難卒此二人拔之

史孟嘗君傳互見因事見人

太山

不遜土壤故能成其大河海不擇細流故能就其深

史李

斯傳譬諸材木洪纖曲直各有所施

晉書阮咸傳

陶侃為征西

大將軍荊州刺史時造船木屑及竹頭悉令舉掌之咸

不解後正會積雪始晴廳事餘雪猶濕以屑布地及桓

溫伐蜀以侃所貯竹頭作釘裝船其綜理微密皆此類

也

晉書互入微有小補

若榱桷梁柱以成大室戴負偃植各安所

施而無遺材

唐劉弘基贊互入隨材器使

元行沖謂狄仁傑曰凡為

家者必有儲蓄脯醢以適口參朮以攻疾竊計明公之

門珍味多矣請備藥物之末仁傑曰君正吾藥籠中之

物何可一日無也

通鑑唐紀
互見自薦

集頓彌天之網收萬仞之魚量之以谿谷數之以陔兆

何其壯乎

應璩報
李然書

葑菲不以下體而不採故英華靡遺

芻蕘不以賤品而不詢故幽隱必達

陸宣公文

水之細者河

海假其深材之短者棟梁資其峻

唐文粹互見
細微有補

夫大木

為杗細木為桷構櫨侏儒椳闌扂楔各得其宜以成屋

室者匠氏之功也玉札丹砂赤箭青芝牛溲馬勃敗鼓

之皮俱收並蓄待用無遺者醫師之良也登明選公雜

進巧拙紆餘為妍卓犖為傑較短量長惟器是適者宰

相之方也

韓文進學解互入隨材器使

丞相方築太平之基架羣材

立清廟

陸魯望

占小善者率以錄名一藝者無不庸

韓文大

匠無棄材尋尺各有施况當營都邑杞梓用不疑

韓集互見

隨材器使

會結彌天網盡取一無遺

元稹集

尺寸之材無所棄

元微之集

銖銅寸鐵罔有子遺

白樂天集

曲輪直桷各適於用

皇甫

湜常思掄羣才以為國家治譬如匠見木礙眼皆不棄

楣櫺與棟梁施之皆有位忽然豎明堂一揮立能致

杜牧

之集若以科第之徒浮華輕薄不可任以為治則國朝自

房杜以降有大功立大節率多科第人也若以子弟生

於膏粱不知理道不可與美名而得美任則自堯以降

聖人率多子弟

杜牧之集

本朝古者至治之世自瞽瞍昏瞶侏儒蘧蒢戚施之人

上所以使者皆各盡其材

臨川集

拔十覲五人之用累百

求一鶚之精

樂城詩

吾聞調羹鼎異味及粉糧豈其供王

羞而棄會稽筓

山谷詩

貞不可滅

經不曰堅乎磨而不磷不曰白乎涅而不緇

語陽貨

子有人於此藏十鎰之金雖行貨而食人謂之富矣

荀子

互見不受寵

鍾山之玉炊以爐炭三日三夜其色不變

淮南子

琬琰之玉在汙泥之中雖廉者不釋也美之所在雖汙

辱世不能賤

同上

荆山之玉潛光荆石之中雖有千仞之

土不能掩其光

抱樸子

丹可磨而不可奪其色蘭可燔而

不可滅其馨玉可碎而不可改其白金可銷而不可易

其剛

劉子

史如日月之食焉何損於明

左宣十二年

自漢鑄五銖至宋

文帝歷五百餘年制度世有廢興而不變五銖者明其

輕重可法得貨之宜故也

通鑑齊太祖

白玉投泥豈能相汙

北史穆弼傳

崔沔舉賢良高第不中者痛訾之武后勅有司

覆試沔對益工遂為第一

唐書

干將雖折不改其光

舊唐書楊

陵於

傳記周有砥石宋有結綠梁有懸黎楚有和璞此四寶

者工之所失也而為天下名器

戰國策

石可破也而不可

奪其堅

呂氏春秋

良珠度寸雖有百仞之水不能掩其輝

韓詩

外傳夫良玉徑尺雖千仞之土不能掩其光明珠度寸雖

有函丈之石不能戢其曜

虞舛佑高士傳

集毛嫱西施善毀者不能蔽其好

選四子講德論

薰臭猶芳

選連

珠珠碎無土色玉墜無瓦聲劍折有寸利鏡破有片明

元稹集持謝衆人口銷盡猶是金

同神

劍土不蝕異布火

不焦

元微之集

金可鎔不可使為汙腐水可濁不可使為塵

糞

元次山互見有定力

白玉雖塵垢拂拭還光輝

韋應物集

沉璜瘞珮

兮孰幽而不光荃蕙蔽匿兮胡久而不芳

柳弔屈原文

天下

英雄氣千秋尚凜然

劉賓客

珠非塵可昏

同上

杞梓植於深

林人雖不知不妨其為天下之材也

歐陽文

劍雖埋而氣

在

白樂天

不有百鍊火孰知寸金精

孟東野

鏡破不改光蘭

死不改香

同上

擣麝成塵香不滅拋蓮作寸絲難絕

杜牧之

照乘之珍難晦符彩

唐文粹

譬諸日月雖終古常見而光

景常新此所以為靈物也

同上

日月晦而更明隨和幽而

不昧夫豫章珠璣鎔鄒毛嬙終不慮隱之櫝之橈之椎

之之為患而擁腫礫石鉛鈍宿瘤之排蔽但發有疾徐

耳

同上

君不見昆吾鐵冶飛炎煙紅光紫氣俱赫然良工

鍛鍊凡幾年鑄作寶劍名龍泉何言中路遭棄捐零落

飄淪古獄邊雖復埋沉無所用猶能夜夜氣衝天

郭元振寶

歌 劍

本朝譬如埋金玉不耗精與英

歐公集

三光萬古不磨滅

同上孔孟困一生毀逐遭百端後世苟不公至今無聖賢

所以忠義士恃此死不難

同

斯文金玉也棄擲埋沒糞

土不能消蝕其見遺于一時必有收而寶之于後世者

雖其埋沒而未出其精氣光怪已能常自發見而物亦

不能掩也故方其擯斥摧挫流離窮厄之時文章已自

行于天下雖其怨家讐人及嘗能出力而擠之死至其

文章則不能少毀而揜蔽之也

歐公蘇氏文集序

金百鍊以為

鑑而萬物不能遁其形及為物蝕而蔽其光頑然無異

乎瓦甃然而一遇良工加之藥磨而瑩之則可以見肝

膽而數毛髮蓋其可昏者光不可昏者性

歐公祭劉軒給事文

軒

昂磊落突兀崢嶸而埋藏於地下者意其不化為朽壤

而為金玉之精不然生長松之十尺產靈芝而九莖

歐公

祭石曼卿文

故曰久而無弊者道隱而終顯者誠

歐公漢郎中于君碑

又知物貴久至寶見百鍊

歐公集

黑月在濁水何嘗不清

明

東坡詩

骨可朽爛心難窮

同上

百鍊竟不變

樂城集

靈珠在

泥沙光景不可昏

臨川集

劫火洞然不燼惟玉

楊中立弔劉安世文

金百死而不化

陳瓘文

經百煉而火自銷金不亡是真金

也

鳴道安正忘
筌集師篇

假不可掩

子強哭者雖疾不哀強歡者雖笑不樂

淮南子

羊質而虎

皮見草而說見豺而戰忘其皮之虎也

揚子

史陸展染白髮欲以媚側室淫緇不解久星星行復出

南史謝

靈運傳

傳記楊炯常呼朝士為麒麟植或問之曰今假弄麒麟

者修飾其形覆之驢上宛然異物及去其皮還是驢耳

朝野
僉載

集草螢有耀終非火荷露雖圓豈是珠

白樂天

黔無驢有

好事者船載以入至則無可用放之山下虎見之龐然大物也以為神蔽林間窺之稍出近之慙慙然莫相知他日驢一鳴虎大駭退遁以為且噬已也甚恐然往來視之竟無異能者益習其聲又出近前後終不敢搏稍近益狎蕩倚衝冒驢不勝怒蹄之虎因喜計之曰技止

此耳因跳踉大闕斷其喉盡其肉而去

柳文

本朝如翦綵為花花則無不似只是無他造化不可及

處

明道二
程語錄

識真者罕

子大聲不入於里耳折楊黃華則嗑然而笑

莊子

史直道而行多讐少與

西漢蓋
寬饒傳

傳記客有歌於郢中者其始曰下里巴人國中屬而和者數千人其為陽陵採薇國中屬而和者數百人其為

陽春白雪國中屬而和者不過數人是其曲彌高者其

和彌寡

劉向
新序

集誰憐松桂性競愛桃李陰

韓集

齋財入市賣貴者怕難

售

同上

世有伯樂然後有千里馬千里馬常有而伯樂不

常有故雖有名馬祇辱於奴隸之手駢死於槽櫪之間

不以千里稱也

同上

本朝時無鍾期誰識高山之意人非季札豈知治世之

音

歐公謝泗倅向
都官示詩啟

折楊黃華笑者多陽春白雪和者少

知音四海無幾人况乃區區郢中小

臨川集

才大占難用

論高常近迂

坡詩

先於自治

經夙夜強學以待問懷忠信以待舉力行以待取

記儒行

欲治其國者先齊其家欲齊其家者先修其身欲修其

身者先正其心欲正其心者先誠其意

大學

宜其家人而

後可以教國人

同上

恭近於禮遠恥辱也

語學而

君子所貴

乎道者三動容貌斯遠暴慢矣正顏色斯近信矣出辭

氣斯遠鄙倍矣

秦伯

工欲善其事必先利其器

衛靈公

子先立乎其大者則其小者弗能奪也

孟告子下

大人者正

己而物正者也

孟子

周于利者凶年不能殺周于德者邪

世不能亂

同上

寄汲莫若鑿井

淮南子

臨河欲魚不如退而

織網

文子

人必其自愛也然後人愛諸人必其自敬也然

後人敬諸

揚吾子

大器者其猶規矩準繩乎先自治而後

治人

揚先知

史臧武仲曰在上位者洒濯其心壹以待人軌度其信

而後可以治人

左襄二
十一年

譬如農夫是穰是穀雖有饑饉

必有豐年

左昭
元

無瑕者可以戮人

左昭
四

臨淵羨魚不如

退而結網

西漢董
仲舒

欲人勿聞莫若勿言欲人勿知莫若

勿為

枚乘
傳

集高鳥未挂於輕繳淵魚未懸於鈎餌者恐釣射之術或

未盡也

選自
試表

務出人之名安得不厲出人之器戰橫行

之陳安得不振橫行之畧

皇甫
湜

任其自然

子性所長非所短性短非所續

莊子駢拇篇

賈瓊問何以息

謗子曰無辯曰何以止怨曰無爭

文中子問易

史荒服之外其叛不為之勞師其降不為之釋備使其

為寇不能為臣不得

唐書突厥傳序又見控制有道

集荀不知我而謂我盜跖吾又安取懼焉荀不知我而

謂我仲尼吾又安取榮焉

柳文謗譽

本朝美者自美吾何為而喜惡者自惡吾何為而怒去

自去耳吾何缺而追來自來耳吾何妨而拒

臨川集齒髮

付天公缺壞不可修

東坡

盡其在我

經寧適弗來微我弗顧寧適不來微我有咎

詩伐木

君子

內省不疚無惡於志

記中庸

子曰不患無位患所以立不

患莫已知求為可知也

語里仁

忠告而善道之不可則止

語顏淵

子曰不患人之不已知患其不能也

語憲問

子歿壽不貳修身以俟之

孟盡心上

君子能為可貴不能使

人必貴己能為可信不能使人必信己能為可用不能

使人必用己故恥不修不恥見汙恥不信不恥不見信

恥不能不恥不見用

荀子非十二子互入知恥

君子慕其在己者不

慕其在天者

荀子天道

蘭生幽室不為莫服而不芳舟在江

海不為莫乘而不浮君子行義不為莫知而止休

淮南子說

山訓

史心苟無瑕何恤乎無家

左閔

鄭人游於鄉校以論執

政然明謂子產曰毀鄉校子產曰夫人退而游焉以議

執政之善否其所善者吾則行之其所惡者吾則改之

是吾師也若之何毀之

左襄三十二

苟能修身何患不榮

東方

朔

士病不能明經經術苟明其取青紫如俛拾地芥

漢西

夏侯傳

內省不疚何恤人言

東漢班超傳互入無愧

虞世南曰若德

不修雖獲麟鳳終是無補但執政無闕雖有災何損於

時

唐書

集諸生業患不能精無患有司之不明行患不能成無

患有司之不公

韓文公進學解

夫有湛盧豪曹之器者患不得

犀兕而剗之不患其不利也

柳文

君子抱仁義不懼天地

傾王建集

本朝清香肯以無人減

歐公

可取不可取者存乎子取不

取者存乎人

東坡四菩薩記

知命者必盡人事然後理足而無

憾物之有成必有壞譬如人之有生必有死國之有興

必有亡也雖知其然而君子之養身也凡可以久生而

緩死者無不用其治國也凡可以存存而救亡者無不

為至於不可奈何而後已此之謂知命

東坡墨妙亭記

在人所為

經惟聖罔念作狂惟狂克念作聖

書多方

禮之於人也猶

酒之有藥也君子以厚小人以薄

記禮運互入事同體異

子仁義禮智非由外鑠我也我固有之也弗思耳矣故

曰求則得之舍則失之

孟子

子服堯之服誦堯之言行堯

之行是堯而已矣子服桀之服誦桀之言行桀之行是

桀而已矣

孟子

西子蒙不潔則人皆掩鼻而過之雖有惡

人齋戒沐浴可以祀上帝

孟子妻下

有人於此力不能勝一

匹雛則為無力人矣今日舉百鈞則為有力人矣然則

舉鳥獲之任是亦為鳥獲而已矣夫人豈以不勝為患

哉弗為耳

孟盡心下

人性之善也猶水之就下也今夫水搏

而躍之可使過顙激而行之可使在山是豈水之性哉

人之可使為不善其性亦猶是也

孟告子上

鏹而舍之朽木

不折鏹而不舍金石可鏤

荀子勸學

湮其源開其瀆江河可

竭一進一退一左一右六驥不致

荀子脩身

故善用之則百

里之國足以獨立不善用之則楚六千里而為讐人役

荀子仲尼

日月星辰禹桀之所同也禹以治桀以亂有治

人無治法羿之法非亡也而羿不世中禹之法猶存而

夏不世王得其人則存失其人則亡

荀子天道

積厚者流澤

廣積薄者流澤狹

為君子則常安榮為小人則常危

辱

荀子

跛鼈致之六驥不致是無他故焉或為之或不為

之耳

荀子脩身

百川學海而至于海丘陵學山而不至于山

揚子學行

希驥之馬亦驥之乘也希顏之人亦顏之徒也

同上

脩其善則為善人脩其惡則為惡人

揚子脩身

見畏與召侮

無不由己

揚子五百

御得其道則天下狙詐咸作使御失其

道則天下狙詐咸作敵

揚子互入間不容髮

假儒衣書服而讀之

三月不歸孰曰非儒也

揚子互入矯揉

耕道而得道獵德而得

德

揚子

譬水火焉善用之則為福不善用之則為禍

尤倉子

今夫毛嫱西施天下之美人若使之御腐鼠蒙蜩皮衣

豹裘革帶死則布衣韋帶之人過者莫不左右眼睨而

掩鼻嘗試使之施芳澤正蛾眉設笄珥衣阿錫曳齊紈

粉白黛黑珮玉環則雖王公大人有嚴志頡頏之行老

無不憚怵養心而悅其色矣

淮南子

故魏兩用樓翟吳起

而亡西河湣王專用淖齒而死於東廟無術以御之也
文王兩用呂望召公奭而王楚莊王專用孫叔敖而霸
有術以御之也

淮南子

史衛文公元年革車三十乘季年乃三百乘

左閔子

騫曰禍福無門唯人所召為人子者患不孝不患無所
敬共父命何常之有若能孝敬富倍季氏可也姦回不

軌禍倍下民可也

左襄二十

李斯見吏廁中鼠食不潔近

人犬數驚恐之斯入倉觀倉中鼠食積粟居大廡之下

不見人犬之憂斯乃曰人之賢不肖譬如鼠矣在所自

處耳

史本傳

今人之置器置諸安處則安置諸危處則危

天下之情與器無以異在天子所置之湯武置天下於

仁義禮樂累子孫數十世此天下所共聞也秦王置天

下於法令刑罰禍幾及身子孫誅絕此天下所共見也

西漢賈誼治安策

祐之始至也軍無百日之糧至季年有十年

之積

晉書

許敬宗嘆曰士之登庸子孫世業履道則為衣

冠失緒則為匹庶來護男兒作宰相虞世南男作木匠

新唐書

夫人猶水也壅之則為泉䟽之則為川通塞隨流

豈有常

上通鑑唐武后

䟽曰雉雉升鼎而桑穀生朝不能止殷

宗之盛神馬長嘶而玉龜告兆不能延晉祚之長

通鑑後唐

明宗

傳記昔者禹以夏王桀以夏亡湯以殷王紂以殷亡闔

廬以吳戰勝無敵夫差以吳見禽於越文公以晉國霸

而厲公以見殺於匠黎之宮

大戴禮記

集必若所為危於累卵難於上天變所以為易於反掌

安於泰山

選枚上吳王書
互入間不容髮

如玉之在璞抵擲則瓦石追

琢則圭璋如水之發源壅閼則汙泥流濬則沼沚

陸宣公文

善根苟種佛果終成

白樂天

狙猴之處山叫呼跳梁其輕

躁狼戾異甚然得而繫之未半日則定坐求食唯人之

為制其或優人得之加鞭箠狎而擾焉跪起趨走咸能

為人所為者未有一焉狂奔掣頓踣弊自絕吾信夫狂

之聖也

柳文楊誨
之第二書

本朝越人之望燕為絕域也北轅而首之苟不已無不

至

臨川集

士生於世使其中不自得將何往而非弊使其

中坦然不以物傷性將何適而非快

樂城集

方寸之地清

之則為高明虛靜之府雜之則為塵垢滓穢之囊鷹

之鷲不可以為慈化而為鳩則鷲性盡矣橘之甘不可

以為苦變而為枳則甘味忘矣

並鳴道集

或問伊川氏量可

學否曰可學進則識進則量進

胡氏傳家錄

人皆有分

經罔俾阿衡專美有商

書

子舜何人也予何人也有為者亦若是

孟子人人有貴於

己者弗思耳

孟子

惻隱之心人皆有之羞惡之心人皆

有之辭讓之心人皆有之是非之心人皆有之

孟子人皆

可以為堯舜

同上

塗之人可以為禹

荀子

性惡希驥之馬亦驥

之乘也希顏之人亦顏之徒也希之則是

揚子

傳記動靜之物日月所照莫不砥礪

大戴記

集雨露之所濡甘苦齊結實

杜工部

若果以聖與我異類

則自堯舜以下皆宜縱目印鼻四手八足鱗毛羽鬣飛

走變化然後乃可苟不為是則亦人耳

柳文楊誨之第二書

一氣

之所春一雨之所膏而得之者各有淺深不必均也

李習

之禽魚各翔泳草木遍芬芳

韋應物集

本朝春風無先後爛漫爭紅白

歐公集

草木本無情及時

如自得

同上

不及牆根花與草春來無處不芳菲

同上造化

未嘗私一物各隨妍醜自芳菲

歐公春帖子皇帝閣詞

陽和不擇

地海角亦逢春

古今詩話

以勤補拙

子跬步不休跛鼈千里荀子駕馬十駕功在不捨同上

人心易感

經有嫡不以其媵備數媵遇勞而無怨嫡亦自悔也詩小

序說以使民忘其勞易志微噍殺之音作而民思憂

嘽諧慢易繁文簡節之音作而民康樂粗厲猛起奮末

廣賁之音作而民剛毅廉直勁正莊誠之音作而民肅

敬寬裕肉好順成和動之音作而民慈愛記樂

子韓娥之齊鬻歌聲哀一里老幼悲怨復為長歌老幼

喜并

列子

夫榮啓期一彈而孔子三日樂感于和鄒忌一

微而威王終夕悲感於憂動諸瑟琴形諸聲音而能使

人為諸哀樂

淮南子

荆軻入秦朱亥擊筑歌於易水之上

聞者瞑目髮直穿冠趙王遷於房陵心懷故鄉山谷之

謳聽者嗚咽泣流連

列子

簞醪注流軍士通醉溫辭一灑

師人挾纊

並列子

史楚伐蕭師人多寒王巡三軍拊而勉之三軍之士皆

如挾纊

左成

燕昭王為郭隗改築臺師事之其後樂毅

自魏往鄒衍自齊往劇辛自趙往士爭趨燕

史記漢王下

令軍士不幸死者吏為衣衾棺斂轉送其家四方歸心

焉

通鑑漢高紀

趙佗稱制與中國侔帝乃為佗親家在真定

者置守邑歲時奉祀召其昆弟尊官厚賜寵之復使陸

賈使南越賜佗書曰前日聞王發兵於邊為寇災不止

當其時長沙苦之南郡尤甚雖王之國庸獨利乎必多

殺士卒傷良將吏寡人之妻孤人之子獨人父母得一

亡十朕不忍為也朕今得王之地不足以為大得王之

財不足以爲富服領以南王自治之雖然王之號爲帝
兩帝並立亡一乘之使以通其道是爭而不遜仁者不
爲也願與王分棄前惡終今以來通使如故賈至南越
南越王恐頓首謝罪願奉明詔長爲藩臣奉貢職下令
去帝制稱臣

通鑑漢文紀

悲者不可爲絮歎思者不可爲嘆

息故高漸離擊筑易水之上荆軻爲之低徊不食雍門

子一微吟孟嘗君爲之於邑

西漢中山靖王勝傳

滿堂飲酒有一

人向隅而悲泣則一坐皆不樂

前漢法志

一夫得情千室鳴

絃

後漢循史傳

姜詩事母至孝妻奉順尤篤母好飲江水妻

常泝流而汲後值風不時得還母渴詩責而遣之妻乃

寄止隣舍晝夜紡績市珍羞使隣母以意自遺其姑如

是者久之姑怪問鄰母鄰母具對姑慚感念悲哀隣里

為之罷社

三國魏志

羊祜都督荊州有吞併之心每與吳人

交兵尅日方戰不為掩襲之計將帥有欲進謫詐之策

者輒飲以醇酒使不得言有畧吳二兒為俘皆送還其

家出軍行吳境刈穀為糧皆計所侵送絹償之游獵常

止晉地若禽獸為吳人所傷而為晉兵所得者皆封還之於是吳人翕然悅服稱為羊公不之名也祜與陸抗相對抗每告其戍曰彼專為德我專為暴是不戰而自服也各保分界而已無求細利

晉羊祜傳

劉疇避亂塢壁賈

胡百數欲害之疇無懼色援笳吹之為出塞之聲以動其游客之思於是羣賈偕去

晉書互入處事閒暇轉移人心

劉琨在晉

陽嘗為羣騎所圍窘迫無計琨乃乘月登樓清嘯賊聞之皆悽然長嘆中夜奏金笳賊流涕歔歔向曉復吹

之賊棄圍而走

晉書本傳互入處事閒暇坐以制勝轉移人心三門

劉弘每有興

發手書守相叮嚀款密所以人皆感悅爭赴之咸曰得

劉公一紙書賢於十部從事

通鑑晉懷記

德可感義夫恩可

勸死士

通鑑梁高祖

宇文泰從賀拔岳入關時闕隴彫弊泰

撫以恩信民皆感悅曰早遇宇文使君吾輩豈從亂乎

同上諸將乃相謂曰陛下至公雖淮安王尚無所私吾儕

何敢不安其分遂皆悅服

通鑑唐太宗

上見病卒召至御榻

前存慰士卒莫不感悅有不預征名自願以私裝從軍

動以千計皆曰不求縣官勲賞惟願效死遼東

通鑑唐太宗

山人李唐見上上方抱幼女謂唐曰朕念之卿勿怪也

對曰太上皇思見陛下計亦如陛下之念公主也上泣

然泣下

通鑑唐肅宗

李懷光叛其將降馬燧以數騎入城慰

撫其衆大呼曰吾輩復為王人矣

通鑑唐德宗

唐德宗在奉

天時赦令武夫悍卒無不感動思奮

唐書

僕固懷恩誘吐

蕃等南下急召郭子儀屯涇陽回紇曰令公誠存安得

而見之子儀將出諸將請無往子儀曰敵數十倍之衆

今力固不勝至誠感神况敵乎諸將請選鐵騎五百子
儀曰適足以為害也即傳呼曰令公來敵初疑持滿注
矢以待之子儀以數十騎徐出免胄而勞之曰汝等久
同忠義何至於是回紇皆捨兵下馬齊拜曰果吾父也
子儀召其首領入朝舊唐本傳互入處事間暇遣知制誥裴度至魏
博宣慰以錢百五十萬緡賞軍士六州百姓給復一年
軍士受賜歡聲如雷成德充鄆使者數輩見之相顧失
色嘆曰倔强者果何益乎通鑑唐憲宗互入倔强裴度以蔡卒為

牙兵或諫曰蔡人反仄者尚多不可不備度笑曰吾為彰義節度使元惡既擒蔡人則吾人也何疑焉蔡人聞之感泣先是吳氏父子阻兵禁人偶語於途夜不燃燭有以酒食相過從者罪死度既視事下令惟禁盜賊鬪殺餘皆不問往來者不限晝夜蔡人始知有生之樂

通鑑

唐憲宗

傳記昔者良將之用兵饋單醪者投諸河士卒同流而飲夫一簞之醪不能味一河之水而三軍之士思為致

死者以滋味之及已也

黃石公三畧互入與士卒一體

雍門周以琴見

孟嘗君曰臣竊悲千秋萬歲外墳墓生荆棘狐兔穴其

中樵兒牧豎躑躅而歌其上行行人見之悽愴曰孟嘗君

之尊貴如何成此乎孟嘗君喟然嘆息淚下承睫

桓譚新論

高臺已傾稷下有聞琴之泣壯士一去燕南有擊筑之

悲

周庾信思舊銘

簞醪投河三軍奮感刻印在手萬夫睽離

陳子

昂集降將有依風之感宮人成憶月之歌

劉賓客

一客失意

行十客顏色低

姚少監

本朝河西諸將讀璽書而知天子之聖明河北叛臣聞赦令而致武夫之涕泣

樂城集

示人以意

經挈壺以令軍并挈轡以令舍挈畚以令糧

周禮夏官挈壺氏

前有水則載青旌前有塵埃則載鳴鳶前有車騎則載

飛鴻前有士師則載虎皮前有摯獸則載貔貅

記曲禮上成

王有過則撻伯禽

記文王世子

陽貨欲見孔子孔子不見歸

孔子豚孔子時其亡也而往拜之孺悲欲見孔子孔

子辭以疾將命者出戶取瑟而歌使之聞之

並陽貨

子必子賤為單父宰恐魯君聽讒使已不得行其政請
君之近吏二與之俱至官必子賤戒其邑令二吏方書
掣其肘書不善則怒之二吏辭歸魯君以問孔子子曰
意者以此為諫乎公悟使告必子曰自今以往單父非
吾有也從子之制有便於民子決為之

家語屈
節篇

孟子去

齊宿於晝有欲為王留行者坐而言不應隱几而卧

孟公

孫丑

絕人以袂反絕以環

荀子

越王勾踐欲伐吳欲民輕

死生見鬪鼃乃下軾從者曰王何敬也曰以其勇絕故

也其後國人輕命死戰

韓非子

越王勾踐謀報吳欲人之

勇路逢怒鼃下車而揖之

尹文子

舜藏金千斤於巖岩之

下所以塞貪鄙之心

淮南子

齊莊公出獵有一蟲舉足將

搏其輪問其御曰此何蟲也對曰此謂螳螂者也其為

蟲也知進而不知却不量力而輕敵莊公曰此為人必

為天下勇武矣迴車而避之勇武聞之知所盡死矣

淮南子

子人聞訓

史楚侵鄭穿封戍囚皇頡公子圍與之爭正於伯州犂
犂曰請問於囚乃立囚上其手曰夫子為王子圍寡君
之貴介弟也下其手曰此為穿封戍方城外之縣尹也
誰獲子囚曰頡遇王子弱焉

左襄二
十六

秦穆公使孟明視

等襲鄭侵晉渡河焚舟大敗晉人

史記

燕昭王謂郭隗曰

願得賢士以身事之隗曰王必欲致士先從隗始况賢

於隗者豈遠千里哉於是昭王為隗築宮而師事之樂

毅自魏往鄒衍自齊往劇辛自趙往士爭趨燕

史燕
世家

楚

懷王使項羽為將軍伐秦羽兵渡河皆沉船破釜甑廬

舍持三日糧以示士卒必死於是大破秦軍

史記

上大封

功臣其餘爭功不決未得行封諸將偶語張良曰上所

憎誰甚曰雍齒良曰今先封齒以示羣臣羣臣皆喜

西漢

張良傳漢高祖怨其嫂之轅釜乃封其子為羹頡侯

楚元王傳

互入報怨朱虛侯章曰深耕概種立苗欲疏非其種者鋤而

去之

通鑑漢高后

其得漢繒絮以馳草棘中衣袴皆裂弊以

示不如旃裘之完善也得漢食物皆去之以示不如渾

酪之便美也

通鑑漢高后

帝居禁中召周亞夫賜食獨置天

截無切肉又不置箸亞夫心不平顧尚席取箸上視而

笑曰此非不足君所乎

通鑑漢景紀

萬石君子孫有過不誚

讓為便坐對案不食諸子相責因長老肉袒固謝罪改

之

西漢本傳互入陰驅默化又入教子

薄昭殺漢使者帝不忍加誅使公

卿羣臣從之飲酒欲令自引分昭不肯使羣臣喪服往

哭之乃自殺

通鑑漢文紀

匈奴徙蘇武北海上無人處使牧

羝曰羝乳乃得歸

通鑑漢武紀

詔求微時故劔大臣知指白

立許倬仔為皇后

通鑑漢宣紀

韋賢薨長子松有罪繫獄家

人矯賢令次子大河都尉玄成為後玄成深知其非雅

意即陽為病狂卧便利妄笑語昏亂既莖當襲爵以狂

不應召

同前

嚴君平卜筮於成都市以為卜筮者賤業而

可以惠衆人有邪惡非正之問依蓍龜為言利書害與

人子言依於孝與人弟言依於順與人臣言依於忠各

因勢導之以善

西漢上

欲封諸舅太后不聽但笑言太后

素好儉前過濯龍門上見外家問起居者車如流水馬

似游龍倉頭衣綠繡領袖正白顧視御者不及遠矣故

不加譴怒但絕歲用而已冀以默愧其心

通鑑漢章紀

周紆

為雒陽下車先問大姓主名吏數閭里豪強以對紆厲

聲怒曰本問貴戚若馬竇等輩豈能知此賣菜傭乎於

是部吏望風旨爭以激切為事貴戚跼蹐京師肅清

同上

龐參為漢陽太守郡人任棠有奇節隱居參候之棠不

與言但以薤一大本水一盂置戶屏前自抱孫兒伏於

戶下主簿白以為倨參思之曰水者白欲吾清也拔大

本者欲吾擊強宗也抱兒當戶欲吾開門恤孤也

後漢

繆彤兄弟四人皆同財業及各娶妻諸婦遂求分異又數

鬪爭彤乃掩戶自槌曰繆彤不能正家弟及諸婦聞之

皆叩頭謝罪

漢書

皇天不言以文象設教

後漢裴楷傳

魏于禁

降關公會吳孫權禽公禁在吳吳稱藩遣禁還拜為安

遠將軍欲遣使吳先令北詣鄴謁高陵帝使豫於陵屋

畫關公戰克龐德憤怒禁降伏之狀禁見慚恚發病薨

魏志張

邰傳 范粲陽狂不言子孫常侍左右至有婚冠大事

輒密諮焉合者則色無變不合則眠寢不安妻子以此

知其旨不言三十六載

晉書

吐谷渾王阿柴疾召諸子二

十人各獻一箭取一箭與其弟折之又取二十箭共一

束與其弟折之不能折阿柴曰汝知之乎孤則易折離

則易摧汝曹戮力一心然後可以保國寧家

通鑑晉紀
互入衆力

易成顏延之作五君詠以述竹林七賢山濤王戎以貴顯

被黜

宋書

王儉作長梁齋制度小過王僧虔視之不悅竟

不入戶儉即日毀之

通鑑齊太祖
互入人心易感

金州刺史滕王元

嬰驕奢縱逸居亮陰中畋遊無節數夜開城門勞擾百姓或引弓彈人或埋人雪中以戲笑上致書切讓之不致於法書下上考以愧其心元嬰與蔣王惲皆好聚斂上嘗賜諸王帛各五百段獨不及二王勅曰滕叔蔣兄自能經紀不須賜物給麻兩車以為錢貫二王大慚

通鑑

唐紀何易于為益昌令太守崔樸遊宴江上索民挽舟易

于腰笏挽焉太守問狀對曰民方耕桑不可役縣令聞

暇當任其勞樸慚乃罷

唐書

李林甫居相位諫官無敢言

者杜璉以上書言事斥林甫乃因以語動其餘曰君等獨不見立仗馬乎終日無聲飫三品芻豆一鳴則黜之矣後雖欲不鳴得乎

唐書李林甫傳

傳記燕昭王遣使齎千金市千里之馬未至而馬死使者買死馬之骨以歸王大怒使者曰死者尚市之況生者乎天下必知君之好也馬將至矣於是期年而千里馬至者三馬

戰國策

魏文侯令樂羊將而攻中山三年而

拔之樂羊反論功文侯示之謗書一篋

春秋後語互入毀謗及不信讒

武王伐紂過壑斬柵過水折舟過谷發梁過山焚萊示

民無返志

說苑

楚莊王好獵夫人樊姬數諫不止乃不食

禽獸之肉二年王感之而勤於政事

古列傳

齊桓公好淫

樂衛姬為不聽鄭衛之聲

同

舜捐珠玉於五湖之淵杜

淫邪絕覬媚之情也

陸賈新語

晏平仲以齊君奢故澣其朝

冠振其鹿裘

風俗通

集田子方出見老馬於道問焉其御曰故公家畜也罷而不用出而放之子方曰少盡其力老棄其身仁者不

為也以東帛贖之窮士聞之知所歸心矣

臣注文選

本朝仁宗三司使請權河北鹽仁宗批奏牘後不許時
賈昌朝守北都至即刻石於府園廐本亭上及賈公再
守魏而提刑薛向密奏行權法託以他事入議賈公具
知其計及其還置酒邀之中食引至廐本亭相對酒五
行無他語向顧見刻石知事已露遂不復議權事

龍川志

反鋒而用

子將欲喻之必固張之將欲取之必固與之

老夫狐之搏

雉也卑體弭耳以待其來也雉見而信之故可得而禽也
使狐嗔目見其必殺之勢雉亦知憚遠飛以避其怒

矣

淮南子

史鰌鳥之擊必匿其形

史越世家

美城之大名也子孫不忘

吾助子請乃為之請於諸侯而城之美遂諧諸鄭伯曰

美城其賜邑將以叛也申侯由是得罪

左傳

楚子元伐鄭

懸門不發楚言而出子元曰鄭有人焉楚師夜遁

左莊二十

八楚子享公好以大屈弓既而悔之遠啟疆聞之見公

公語之拜賀公曰何賀曰齊與晉君欲此久矣寡君無適與也而傳諸君其備禦三鄰慎守寶矣公懼乃反之

左智伯請地於韓康子段規曰周書曰將欲敗之必姑

輔之將欲取之必姑與之王不如與之以驕智伯然後

可以擇交而圖智氏矣

通鑑周紀

楚大發兵加齊齊王使淳

于髡之趙請救兵齎金百斤車馬十駟淳于髡仰天大

笑冠纓索絕王曰先生少之乎髡曰何敢王曰笑豈有

說乎髡曰今日臣從東方來見道旁有穰田者操一豚

蹄酒一盃祝曰甌窶滿篝汙邪滿車五穀蕃熟穰穰滿家臣見其所持者狹而所欲者奢故笑之於是齊威王

乃益齎黃金千鎰白璧十雙車馬百駟髡辭而行

史記滑稽

傳

楚優孟嘗以談笑風諫楚莊王有愛馬死使羣臣喪

之欲以棺槨大夫禮葬之左右爭之不可孟入殿門仰天大笑曰楚國堂堂何求不得而以大夫禮葬之薄請以人君禮葬之王曰何如曰臣請以雕玉為棺文梓為槨梗楓豫章為題湊發甲卒為穿壙老弱負土齊趙陪

位於前韓魏翼衛其後廟食太牢奉以萬戶之邑諸侯聞之皆知大王賤人而貴馬也王曰寡人之過一至此乎乃使以馬屬太官無令天下久聞也

史滑稽傳

燕將騎劫

攻齊即墨齊將田單拒守乃宣言曰吾唯懼燕軍之剽所得齊卒置之前行與我戰即墨敗矣燕人聞之如其言城中見齊降者盡剽皆怒堅守唯恐見得田單又縱反間曰吾懼燕人掘吾城外冢墓戮先人可為寒心燕軍盡掘壘墓燒死人即墨人從城上遙見涕泣其欲出

戰怒皆十倍田單知士卒之可用與士卒分功因大敗

燕史記

田單相齊過淄水有老人涉淄而寒出水不能行

單解其裘而衣之襄王怒之曰田單之施於人將欲以
取我國乎不早誅恐後之變也有貫珠者曰王不如因
以為已善嘉善之下令曰寡人憂民之饑也單收而食
之寡人憂民之寒也單解裘而衣之寡人憂勞百姓而
單憂之稱寡人之意王曰善乃賜單牛酒後數日貫珠
者復見王曰王朝日宜召田單而揖於廷口勞之乃布

令求百姓之饑寒者收穀之乃使人聽於閭里聞丈夫

之相與語者曰田單之憂人嗟乃王之教也

通鑑周紀

魏與

楚攻韓韓告急於齊使田忌將而往直走大梁魏將龐

涓聞之去韓而歸齊孫臏使齊軍入魏地為十萬竈明

日為五萬竈又明日為二萬竈龐涓行三日大喜曰我

固知齊軍怯入吾地三日士卒亡者過半矣乃與輕銳

倍日併行遂入

史記

蘇秦說趙肅侯恐秦兵之至趙也乃

激怒張儀入之於秦

史記蘇秦傳

齊大夫人刺蘇秦求賊不

得秦且死謂王曰臣即死車裂臣以徇於市曰蘇秦為

燕作亂於齊如此則臣之賊必得矣如其言而殺蘇秦

者果自出齊王因而誅之

史本傳

張良說漢王曰王何不

燒絕所過棧道示天下無還心以固項王意乃使良燒

絕棧道項羽以此無西憂漢乃發兵北擊齊

史留侯世家

張

良遺項王書曰漢王失職欲得關中如約即止不敢東

又以齊梁反書遺項王曰齊欲與趙并滅楚項王以此

故無西意而擊齊

通鑑漢高紀

韓信擊趙乃使萬人先行出

背水陣趙兵望見大笑開壁擊之大戰信棄鼓旗走水

上軍軍皆殊死戰不可敗破趙軍斬成安君

西漢韓信傳

陷

之死地而後生投之亡地而後存

同上

亞父勸羽急攻滎

陽漢王患之項王使至漢陳平使為太牢具舉進見楚

使即佯驚曰吾以為亞夫使乃項王使復持去更以惡

草具進楚使歸具以報項王項王果大疑亞父

通鑑漢高紀

楚軍食少項王患之乃為高祖置太公其上告漢王曰

今不為急下吾烹太公漢王曰吾翁即若翁必欲烹而

翁幸分我一杯羹

同前

朱虛侯章忿劉氏不得職常入侍

太后燕飲令章為酒吏章自請曰臣將種也請得以軍

法行酒諸呂有一人醉亡酒章追拔劒斬之而還

通鑑漢高

后紀陳平使人劫酈商令其子寄往給說呂祿曰今太后

崩帝少而足下佩趙王印不急之國守藩乃為上將將

兵留此為大臣諸侯所疑足下何不歸將印以兵屬太

尉請梁王歸相國印與大臣盟而之國齊兵必罷大臣

得安足下高枕而王千里此萬世之利也

通鑑漢后紀

王生

在廷中謂張釋之曰吾襪解為我結韋釋之跪而受之

或讓生生曰廷尉天下名臣吾聊使結韋欲以重之諸

公聞之賢王生而重釋之

西漢

吳王詐病不朝賜以几杖

張武受賂金錢更加賞賜以愧其心

並前漢文帝贊

龔遂曰

臣聞治亂民猶治亂繩不可急也唯緩之然後可治

通鑑

漢宣紀人棄我取人取我予

西漢班固貨殖傳

古人有言曰天下

皆知取之為取而莫知與之為取

東漢桓譚傳

耿恭曰漢家

神箭其中創者必有異敵中矢者視創皆沸大驚匈奴

震怖相謂曰漢兵真可畏也

通鑑漢明紀

廣陵賊張嬰寇亂

梁冀以張綱為廣陵太守前太守率多求兵馬綱獨請

單車之職既到徑詣嬰壘門嬰大驚遽走閉壘綱於門

外罷遣吏兵獨留所親十人以書諭嬰請與相見嬰見

綱至誠乃出拜謁

通鑑漢順紀

虞詡為武都太守羌率衆數

千遮詡於陳倉峭谷詡令吏士各作兩竈日增倍之羌

不敢逼

後漢書

曹操攻呂布軍敗布騎得操而不識問曰

曹操何在操曰乘黃馬走者是也布騎乃釋操而追黃

馬者操突出引還

通鑑漢紀互入當面蹉過

夫能屈以為伸讓以為

德弱以為強鮮不遂矣

通鑑魏明紀

後秦主苻還安定秦主

登就食新平率眾萬餘圍苻營四面大哭苻命營中哭

以應之登乃退

通鑑晉武紀

顏峻起宅延之謂曰善為之無

令後人笑汝拙也

通鑑宋世祖

侯景與宇文泰合戰泰墜地

東魏兵追及之左右皆散都督李穆下馬以策杖泰背

罵曰壠東軍士爾曹主何在而獨留此追者不疑其貴

人舍之

通鑑梁高祖

慕容紹宗擊侯景景眾大潰爭赴渦水

使謂紹宗曰景此就擒公復何用

同前

唐高祖與李密書

曰名利之地鋒鏑縱橫深慎垂堂勉茲洪業密得書甚

悅曰唐公見推天下不足定於是不虞義師而專意於

世充

唐書李密傳

長孫順德受人餽絹太宗於殿廷賜絹數

十足上曰彼有人性得絹之辱重於受刑如不知愧一

禽獸耳

通鑑唐太宗紀

顏真卿為平原守安祿山逆節頗著真

卿以霖雨為托修城浚濠乃陽會多士泛舟於池飲酒

賦詩或譏於祿山祿山以為書生不足虞也

唐書李克用

或以非罪怒將吏蓋寓必陽助之怒克用常釋之

通鑑
唐昭

紀宗

傳記魏王遺楚王美人王悅之夫人鄭裒衣服玩好之甚於王王曰婦人妬其情也今裒知寡人悅新人其愛之甚此孝子之所以事親也忠臣之所以事君也裒知王以己為不妬因謂新人曰王愛子美然惡子鼻新人見王掩其鼻王曰新人掩鼻何也裒曰似惡聞君之臭也王曰悍哉令劓之

戰國策互入嫉妬

鷲鳥將擊卑飛斂翼猛


獸將搏弭耳俯伏

太公六韜

猛獸將擊必弭毛帖伏誓寫將

搏必卑飛戢翼聖人將動必順辭和衆

後漢趙曄吳越春秋



記纂淵海卷六十